

藝文類聚

四

魏武帝

魏文帝



魏文帝



晉元帝

晉成帝

晉康帝

晉穆帝

晉簡文帝

晉孝帝

宋武帝

宋孝武帝

魏武帝

魏志曰太祖武皇帝沛國譙人諱操字孟德漢相曹參之後也時曹騰為中常侍大長秋養子嵩嗣父嵩官至太尉太祖少機警有權數而任俠放蕩不治行業故世人未之奇也唯梁國高玄南陽何顥謂太祖曰天下將亂非命世之才不能濟也能安之者其在君乎初相帝時有黃星見於楚宋之分遼東郡熹善天文言後五十歲當有真人起於梁沛之間其鋒不可當也至是凡五十年而公破袁紹天下莫敵矣

王曹植武帝誄曰於惟我王承運之衰神武震發郡雄殄夷拯民于下登帝太微德美且與功越彭韋九德光備萬國作師寢疾不興聖躬長歸華夏飲淚黎庶含悲神醫功顯身沉名飛敢揚聖德長之素旗

藝文類聚卷第十三

一

乃作誄曰於穆我王曹穆肖周賢聖是紹元懿允休先侯佐漢實惟平陽功成績著德昭二皇民以寧一興誄有章我王承統天姿時生年在志學謀過老成奮臂舊邦翻身上京表與我王兵交若神張陳昔誓傲帝虐民擁徒百萬虎視朝濱我王赫怒戎車列陳武卒虓闕如雷如震撓搶北掃舉不決辰紹遂奔北河朔是賓振旅京室帝嘉厥庸乃位承相惣攝三公光受上爵臨君魏邦九錫昭備大路火龍立監靈蒸探幽洞微下無偽情姦不容非敦儉尚古不玩珠玉以身先下民以純樸聖性嚴毅平修清一唯善是嘉靡疏靡昵怒過雷霆喜踰春日萬國肅虔望風震慄既拯庶政兼覽儒林躬著雅頌被之瑟琴茫茫四海我王康之微微漢嗣我王匡之群策扇動我王服之喁喁黎庶我王育之光有天下萬國作君虔奉本朝德美周文以寬克眾每征必舉四夷賓服功踰聖武翼帝王母神武鷹揚右鉞右旄威凌伊呂年踰耳順體愉志肅軋軋庶事氣過方叔宜並南嶽君國無窮如何不吊禍鍾聖躬弃離臣子昔母長終北民號咷仰懇上穹既以約終今公節不衰既即梓宮

躬御綴衣璽不存身唯縹是荷明器無飾陶素是嘉既次西陵幽閨
啟路群臣奉迎我王安厝窈窕玄宇三光不入潛聞一扇尊靈永蟄聖
上臨穴哀號靡及群臣陪臨佇立以泣去此昭昭於彼冥冥永弃兆民下君
百靈千代萬葉曷時復形 **樂文** **魏文帝** 爲武帝 **樂文** 曰痛神曜之幽
潛哀鼎俎之虛置舒皇德而詠思遂膈臆以甚事矧乃小子夙遭不造
梵梵在疚嗚呼皇考產我曷晚弃我曷早群臣子輔奪我哀願猥抑
奔墓俯就權變卜塋既從大隧既通湯湯長夜窈窕玄宮有晦無明
曷有所窮鹵簿既整三官駢羅前驅建旗方相執戈弃此宮庭陟彼山阿

魏文帝

魏志曰文皇帝諱丕字子桓武帝太子也爲五官中郎將嗣丞相爲魏太
子太祖崩繼位爲丞相魏王延康元年受禪于漢爲帝初帝自許昌南
征諸軍兵並進孫權臨江拒守帝幸廣陵收城臨江觀兵戎卒十餘萬
旌旗數百里 江表傳曰魏文帝山廣陵欲伐吳臨大江歎曰吳據洪流且
多糧穀魏雖武騎千隊無所用之乃還 吳錄曰魏文帝至廣陵臨江觀兵

魏文帝

二

見波濤洶涌歎曰此固天之所以隔北也遂歸

誄

魏陳王曹植文帝誄

曰天震地駭崩山隕霜陽精薄景五緯錯行哀殊喪考思慕過唐梓
踴郊野仰愬穹蒼考諸先紀尋之哲言生若浮寄德貴長傳朝聞夕
逝死志所存皇雖殪沒天祿永延何述德表之素旃何以詠功宣之管絃
乃作誄曰元光幽昧道究運遷軋迴曆數簡聖授賢乃眷大行屬以黎
元龍飛踐祚合契上玄五行定紀改號革年明明赫赫授命自天風偃物化
德以禮宣詳惟聖質岐嶷幼齡研機六典學子不過庭潛心無內抗志高明
才秀藻助如玉如瑩聽察無響視覩未形其對如金其勁如瓊如冰之潔如
砥之平爵功無重戮違無輕心鏡萬機鑒照下情宅土之中率民以漸道
義是圖弗營厥險六合通同齊契共檢導下以純民由樸儉緜冕崇麗衡
紉惟新尊肅禮容瞻之若神方牧妙舉欽於恤民虎將荷節鎮彼四隣
朱旗所勦九壤披震疇克不若孰敢不臣懸旌海表萬里無塵回回凱風
祁祁甘雨稼惟歲豐登我稷黍家佩惠君戶蒙慈父在任七載九功仍舉
將承太和絕跡三五宜作物師長爲神主壽終金石等筭東父如何泰怱

摧身后土俾我焜焜靡瞻靡頤嗟嗟皇穹胡寧忍予明鑒吉凶體達
存亡深垂典制申之嗣皇聖上虔奉是順是將乃啓立宇基于首陽擬
跡穀林追堯纂唐合山同阪不樹不疆塗車芻靈珠玉靡藏百神警
待賓于幽堂於是侯大隧之致功陳元辰之紉袂潛華體於梓宮憑正殿
以居靈悼晏駕之既俟感容車之速征浮飛魂於輕霄就黃墟以藏形
背三光之昭晰歸窀穸之冥冥嚙一往之不返痛闕闕之長局
曹植慶文帝受禪章曰陛下以聖德龍飛順天革命允荅神符誕作民
主乃祖先后積德累仁再濟其美以暨于先王勤恤民隱劬勞戮力以除
其害經營四方不遑啓處是用隆茲福慶光啓于魏陛下承統續戎前
緒克廣德音綏靜內外紹先周之舊跡龍襲文武之懿德保大定功海內爲一
豈不休哉又慶文帝受禪禮章曰陛下以明聖之德受天顯命良辰即祚
以臨天下洪化宣流洋溢宇內是以溥天率土莫不承風欣慶執贄奔走奉賀
闕下况臣親體至感懷歡踴躍
舉其克諧之德舜授文命采其齊聖之美猶下咨四岳上觀璇璣今臣德
非虞夏行非二后而承曆數之詔應選授之命內自揆撫無德以稱且許由
疋夫猶拒帝位善卷布衣而逆虞詔臣雖鄙蔽敢忘守節
進表曰古先聖王所以受天命而不辭者誠惡於荅皇天之意副四海之望不得
已也魏相階等勸進表曰臣等以爲天命不可稽神器不可黷昔周公中流
有白魚之應不待濟而大號以建舜受禪大林鹿桑陰未移而已陟帝位所以
祇承天命者若此之速也故無固讓之義不以守節爲貴必信於神靈而將
合於天地也

吳大帝

吳志曰孫權字仲謀漢以孫策遠修貢職遣使者劉琬加錫命琬語曰
吾觀孫氏兄弟雖各才秀明達然皆祿祚不終唯中弟孝廉形兒奇偉
骨幹不恒有大貴之表又最壽策薨以事授權江表傳曰堅爲下邳丞
時權生方頤大口目有精光堅異之以爲貴象及堅二策起事江東權常隨
從性度弘助仁而多斷好俠養士吳曆曰曹公出濡須權數挑戰乃自乘船
從濡口而入公見舟舡器仗徒伍整肅喟然歎曰生子當如孫權爲劉景升

子若兆犬耳 吳志孫權屈伸忍辱任才尚計有勾踐之英奇人之傑矣故能
自擅紅表鼎峙之業性嫌忌果於殺戮既於末年彌以滋甚至于讒說於行
亂嗣廢斃豈所以貽厥孫謀以燕翼子者哉其後葉凌遲遂致覆國未必
不由此也 **晉陸機**吳大帝誄曰我皇明明固天寔生體和二合以察三精濯暉
育慶懷詳載榮率性而和因心則靈厥靈伊何克聖克仁茂對四象克配
乾坤齊明日月考祥鬼神誕自幼冲敬哲宿照甄化無形探景絕曜出魏魏
聖姿文武既俊有覺德徽兆民欣順將熙景命經營九圍登跡岱宗班瑞
舊圻上玄匪惠早零聖暉神廬既考史臣獻貞龍輔啓殞霄載紫庭
辰旋飛藻凶旗舉銘崇華熠爍翠蓋繁纓千乘結駟萬騎重營簫
鼓振響和鑿流聲動軛闐闐永昔承明顯步萬官幽駟百靈隨化太素
即宮杳冥億兆同慕泣血如零

晉武帝

王隱晉書曰世祖武皇帝文帝太子也文帝初開晉國立為世子拜撫軍
大將軍嗣相國文帝崩魏帝命上為相國晉王十月受禪于魏有獻雉

五書卷一

四

頭裘者上曰異服奇伎典制所禁也宜於殿前燒裘上與羊祜張華謀伐吳
朝主莫知也潛乃籌量虛實為戰備孫皓面縛輿櫬降有司奏晉德隆
茂光被四表吳會既平六合為一宜勒封岳以彰聖德詔曰此盛德之事所宜
未議 帝譜曰世祖武皇帝諱炎字安世 **晉潘岳**世祖武皇帝諱
粵若稽古帝皇誕受休命作我晉室赫赫文皇配天並日大行龍飛創
制政物沉恩汪濊流澤洋洋溢上齊七政下綏萬邦四門穆穆五典克從
惟清緝熙於變時雍愛盡事親教加百姓于喪過哀在祭餘苟
后蚕冕服躬籍柔成六代畢奏九功咸詠行敦醇樸思貫玄妙莅政
端任臨朝光曜胄子入學辟雍宗禮國老恂恂貴遊濟濟莫孝匪子
莫弟匪弟化自外明訓法以禮獷彼吳楚稱亂三代世歷五偽年幾百
載邊垂虔劉王化阻闕羽檄星馳鉦鼓日戒帝御群師奉辭奮旅腹
心庭爭爪牙疑沮天監獨照聖策乃舉朝服濟江止戈曜武野無交兵役
不淹月偕号歸命稽顙晉闕邪界蠻流傍納百越表閭旌善德音爰
發虞人獻箴周書垂誥酒懼其彞猷戒其冒于我大行縱心所好動不

踰矩性與道奧厭厭酣飲樂不辨顏栢栢振旅田無遊盤我德如風民
應如蘭靡不夙夜無敢宴安務農望歲時或不稔小心翼翼恤民以甚
御坐不怡撤膳振廩西流垂精南金仰施詠言孝思天經地義問誰贊
事英卉髦士問誰翼侍博物君子潛明神監從衆屈已道濟群生為
而不恃先天弗違後天降時萬物熙熙懷而慕思顛顛措紳不謀同辭
巖巖代宗想望翠旗恭惟大行功成不居議寢封禪心挹冲虛策告
不足太平有餘七十二君方之農如思樂天德等壽嵩華如何寢疾
背在登遐遷幸梓宮孤我邦家龜筮既龍襲吉日惟良永指太極寧
神峻陽群后擗踴長訣輟輟聖靈斯頤豈伊不傷家無遠邇邦靡
小四海供職同軌畢會茫茫原野亭亭素蓋縞輅解駕白虎弭
旆龍輜即定玄闕載扃如天斯崩如地斯傾哀哀庶寮梵梵自慙
彼蒼者天胡寧斯忍聖君不返我獨旋軫

哀策文

晉張華武帝

哀策文曰感大鄉食之無虧哀罇俎之虛設叩龍輜以長叫痛靈暉之
潛逝其辭曰欽惟皇考體道之真德侔乾坤齊曜三辰應期登禪協于

東晉書

五

天入上虔郊祀下惠兆民憲章唐虞允得其津搜揚仄陋故老是賓
百揆時序盛業日新恩從雲翔威猶霆震江海靜波岷岳無塵四夷
率服莫不來臣肅慎奉貢越裳効珍化此弊俗歸之至淳昔在上聖咸
享百年哀哀皇考用不是臻邁厲彌侵景命殞顛舍此昭晰即彼幽玄
仰瞻靡怙廓若無天終制尚儉率由典度華幕弗陳器必陶素不封不
樹所在惟固貽法來世是則是慕大隧既啓吉日將征鍾鼓雷震白虎
抗旌龍螭驪首良駟悲鳴倡者振鐸挽夫齊聲背此崇殿將適下庭
玄宮窈窕修夜冥冥光燈永戢幽闔長扃仰訴皇穹零淚屏營云
誰能忍寄之我情結心墳隴永憑聖靈

論

晉于寶晉武革命論

帝王之興必俟天命苟或代謝非人事也文質異時興建不同故古之有
天下者栢皇粟陸以前為而不有應而不求執大象也義黃世及以民
也堯舜內禪體文德也漢魏外禪順大名也湯武革命應天人也高光爭
伐定功業也各目其運而天下隨時隨時之義大矣哉古者苟其事則
命以始今帝主受命而用其終豈人事乎其天意乎

晉元帝

晉中興書曰中宗元皇帝諱睿字景文太祖咸寧二年生于洛陽初誕有神光之異一室盡明所藉蓐如始刈及長白豪生日角之左眼有精曜唯侍中譙國嵇紹少而異之謂其友曰琅琊王毛骨非常殆非人臣之相惠帝幸臨漳中宗從駕是時中宗叔父東安王繇為成都王穎所害懼禍及謀出奔其夜月明禁衛甚嚴不能得去有頃天暴風雨晦暝繳者四散中宗間得脫及遷鎮建鄴以顧榮為軍司馬禮接名豪設官分職隱恤士庶百姓歸心焉初性好酒王道深以為誠乃命左右進觴躬引覆之自是不復飲也愍帝為胡賊劉粲所沒中宗素服出次舉哀三日於是百僚稱上尊号帝固讓百僚又固請中宗慨然流涕曰吾本琅琊王諸賢見逼不已乃呼私奴命駕將反國群臣不敢復逼乃求依魏晉故事為晉王許之愍帝崩于平陽百僚更上尊号是日即皇帝位晉陽秋曰太安中童謡曰五馬浮渡江一馬化為龍永嘉大亂王室淪覆唯琅琊西陽汝南南頓彭

【藝文卷上】

六

七

城五王獲濟至是中宗登祚先是五鐸見于晉陵靈數立感若合符契【策文】晉郭璞元皇帝哀策文曰永惟殿宇之廓寂悲尋奠之莫歆感鸞輅之晏駕哀哀裘裘之委衿痛聖躬之遐往長淪景於太陰乃作策曰王之不極百六作艱鴉集瓊林鯨躍神淵懷愍失據海覆岳巔蠢蠢蠢蠢六合同不到懸靈慶有庠見龍在田誰其極哉我后先天大人承運重明繼作撫征淮海駿命再廓仁風旁靡神化潛鏢處冲思挹居簡行約聖敬日邁玄心逾漠用物與能惣攬群略林無滯才山無遺錯恩靡不懷化靡不被茫茫海域歎塞慕義萬里同塵同匪王隸熙熙遺黎莫知其寄括終宇宙混同天地曰功永年曰德慶隆奈何氛厲奄集聖躬大業未恢皇齡未中天憮其景岷頽其崇梵梵小子荏蕪孤冲靡天何戴靡地何憑恍惚極慕若存若終蕞焉無聞廓焉長寂聆音靡睇瞻顏失覲窮號曷訴叩心誰告何悲之哀何痛之酷嗚呼我皇逢天之戚嗚呼哀哉眇然外遐即安玄室煌煌火龍赫赫朱鞞終焉永潛曷其有出明訓長絕小子何述望皇

增欷臨崩慟慄哀 永陟方痛過過密靈爽安之反真復質永
合元漢終始得一令 旨元帝答劉琨等令曰今方岳牧伯之任股肱腹
心之臣萬邦之內九服之外咸見翼翼戴以隆天威是用辭不獲已而居王
尋覽所陳弘旨億萬遠孤方當匡復帝祚豈可猥居極位昔有夏克
復賴靡艾之勳周宣中興由申邵之佐二公鎮御幽朔忠以衛上建功
極難實憑遠略去久難雪耻於是乎在 **表** **晉**劉琨勸進元帝表曰
否泰之運古今迭有宗子有明德曷常不由多難以隆中興故獫狁殘
周以啓宣王巨猾竊竊漢乃發光武陛下天授至德聰明神武勞謙恭已卑
以自牧體伯禽經營之誠行公且吐握之事上崇勤王之義下垂庇民
之量收羅俊乂任聽賢以能綏爰陝東化流無外戎狄荒服請事率職
重譯納貢不遠萬里功高德邵遐邇歸心况陛下道邁大宗勳莫與
二且以親以賢義貫兼之是以珉敢緣天文人事徵祥之應昧死上事以奉
尊號願陛下無弔心以群心爲心忘其身以萬物爲公則宗廟蒸嘗不替
於今逆虜通寇一討而滅無負於天下無愧於七后矣 又表曰臣聞台宿

在天實承辰極股肱雖卑同體元首臣負乘前朝過充三吏國之崇替
有與憂喜臣聞德合兩儀者固以四海爲公智周萬物者不以一身爲私
舜禹揖讓以陟帝位湯武征伐以濟時難彼四王者選會不同登受有
異至夫外已存物憂古遺躬其致一也期於愛民治國應變合道以爲天
下利而已矣况宗廟是陛下之宗庶百姓是大晉之百姓耶陛下若忽七
廟之重距天之心絕而不繼困而不拯則宗廟不歆其禋祀群生無所
措其手足矣况臣班具臣之列荷累古之恩上懷國家之統俯絕烏鳥之
情者哉昔伍員發怒手撻平王之墓灌夫慷慨身塞吳淠之旗皆
能宣其臣節據其私忿戮尸斬將存亡罔恨臣誠無若人之才實有此
人之憤苟得上憑天威展其微効雖隕九泉猶以明白 又表曰陛下之躬執
謙光允恭克讓係從吏議示揔萬機布曠蕩之詔開自新之路海隅
漸惠朔南暨聲有生之倫咸被嘉慶陛下量包宇宙明侔三辰靈
祇稽應華戎同戴加以王室中微邦基將絕遺民元元屬命陛下陞
下以德則無所與讓言事固所負荷誠宜遺小禮存大務援據圖錄

居正宸極上副祖宗之心下兆庶之望臣聞必也正名前聖大之春秋傳曰名以出信名苟不正則事有不從信苟不立則禮義或愆乃載籍之明誠開塞之所由也又表曰臣聞天生蒸民樹之以君所以對越天地司牧黎元聖帝明王鑒其若此知天地不可以無饗故屈其身以奉之知黎元不可以無主故不得已而臨之社稷時難則戚蕃定其傾郊廟或替則宗哲纂其祀所以弘振遐風式固萬世自元康已來艱禍繁興永嘉之際氛厲彌昏庠極失御登遐醜裔國家之危有若綴旒天不悔禍大災荐臻國未亡難寇害尋興逆胡劉曜縱逸西都主上幽劫復沉虜庭神器流離再辱荒逆臣每覽史籍觀之前載厄運之極古今未有在食土之毛含氣之類莫不叩心絕氣行號巷哭况臣荷寵二再位則鼎司承問震惶精爽飛越臣聞昏明迭用否泰相濟天命無改曆數有歸或多難以固邦國或隱憂以啓聖明是以齊有無知之禍而小白為五伯之長晉有驪姬之難而重耳以主諸侯陛下玄德通於神明聖安矣於兩儀應命在之期紹千載之運符瑞之表天人有徵中興之肇圖讖

書卷一

書

垂典自京畿殞喪九服崩離陛下撫寧江左奄有舊吳柔服以德伐叛以刑抗明威以備不類杖大順以肅宇內純化既敷則率土宅心義風既暢則遐方企踵昔少康之隆夏訓以為美談宣王之興周詩以為休詠况茂勳格于皇天清暉光于四海蒼生顛顛莫不欣戴聲教所加願為臣妾者哉且宣皇之胤唯有陛下億兆攸歸曾無與二天祚大晉必將有主主晉祀者非陛下而誰是以迺無異言遠無異望謳歌者無不吟詠徽猷獄訟者無不思于聖德天地之際既交華裔之情允合一角之鯀運理之木以為休徵者蓋有百數冠帶之倫要荒之衆不謀而同辭者動以萬計是以臣等敢考天地之心因函夏之趣味死上公身号願陛下存舜禹至公之情狹巢由矯抗之節以社稷為務不以小行為先以黔首為憂不以克讓為事上以慰宗廟乃願之懷下以理併普天頓首之望臣聞尊位不可以虛萬機不可以曠虛之一日則尊位以殆曠之決辰則萬機以亂陛下雖欲逡巡其若宗廟何其若百姓何

晉成帝

晉中興書曰顯宗成皇帝諱衍字世根肅祖長子也即位後蘇
祖約阻兵作逆詔庾亮下壺距之戰于青谿壺等敗績壺死之

奔江州共陶侃温嶠率眾下討峻臨陣斬之

關撰人曰宸極寥廓聖靈遐之哀備物之虛在痛永往之無期乃命史

官迷德寄辭其辭曰五德代興素靈啓曜離光疊暉三辰重照

明我皇含貞挺妙玄秀夙達履德因違鳳栖遐逸神宇凝夷文明外

潤仁簡內綏舉無遺中鑒無幽微韻隆汾陽道侔垂拱靜恭清穆

冥功日用亶亶神軌固天攸縱爰在陽九皇綱中替姦豎肆逆牢羅

失衛外降艱難協應神契靈祚既保顯揚天命秀務朝晞兩儀

開鏡訓諮阿衡虛已納正九功潛流七德將表方振宏羅稜威電掃

蕩神嚮一我王道昊天不弔降茲大悔天傾其儀地覆其載大業未究

神爽遷背哀貫三靈痛流萬代爰初不豫大漸在躬啓手歸全神

氣夷冲凝茂達識體正履終袞龍旣龍襲玉容斯幽澄醪虛設傷爵

靡酬墳壙莫啓聖跡誰修冥冥我皇神焉何遊撫膺遐叫迸涕交流

三筮告期將歸陵墟陞殞羽翼庭納龍輿王輪動運錫鸞鳴嚮銘

旆徘徊六驥踟躕輕雲蔭軌流風翼車哀哀同軌嗒嗒輓夫長號永

慕泣涕漣洳大塊獨運終歸其始我后永往寧神千祀悠悠上天茫茫

惟已眇然靡憑廡焉無恃目軌令儀徽音在耳

晉康帝

晉中興書曰康皇帝諱岳字世同成皇帝崩上即位憂哀不忍言

政一委中書監庾亮

榮文晉康帝哀榮文關撰人曰感廣廈之空寂

悲俎奠之虛陳一痛皇神之邈遠哀靈景之長泯仰瞻宸極俯憑鸞

軒五情摧裂衣號慟煩冤遂命國史述德銘勳事以言顯功以名存其辭

曰招拒降靈薦生我皇岐嶷妙哲幼有珪璋含貞發曜蘭風載芳厥

初肇建宗國是胤祗承師友執心淑慎微猷愷悌金質玉潤固天所啓

應茲靈運入繼皇祚龍騰鳳迅因假在物惟精委順穆穆我皇風流疑廣

聰鑒遐照思心內即應變無方從善如響矧儀可慮法物可象覆燾

群生靡物不美食如何且神遊靈爽仰攀擗觸物咸想卜吉有期

將即立具太常既建千乘列庭皓皓與服翩翩素旌笳簫寡列輓夫齊聲六驥躊躇蕭蕭悲鳴是用增哀雨泣霑纓痛貫五內哀切三情道隆名貴德享彌光灼灼皇猷終然允威垂美北祀芳風休揚

晉穆帝

晉中興書曰孝宗穆皇帝諱聃字彭子康帝子也崩時年十九

策文

晉穆帝哀策文朝撰人姓名曰欽明文思允恭克讓忽若布衣忘其矜尚體

有示無德充神王冕旒兩楹委政元輔內倚公且外仗尚父郁哉惟文赫斯

惟武西廓岷河北清伊渚園陵聿修舊京式叙方振長蕙風掃天宇休牛

歸馬卷旗卧鼓俾我蒸民擊壤容與昊天不弔奄背率土哀同過密

痛方劍鉅日月不居神道之幽三辰吉良五謀同休祖載華庭晏駕崇

丘俯執饋奠仰攀龍輶岌岌黼妻飄飄素旆感想平昔人懷崩抽號

聲如震灑涕成流

晉簡文帝

晉中興書曰太宗簡文帝諱昱字道方中宗少子也 晉陽秋曰相温始以

雄威入輔係以廢立帝雖登祚內不自安初熒惑入太微尋廢海西公

至是熒惑猶在太微帝惡之謂却超曰命之修短大所不計故無復往

日爭耶超云大司馬温方內固社稷外布經略非常之事臣以百口保之

超假還東帝謂之曰致意尊公家國之事遂至於此由吾不能以道匡

樹思患豫防媿歎之深言何能喻又誦庾闡詩云士痛朝危臣哀主辱

泣下沾衣連如相續 續晉陽秋曰帝弱而惠異中宗深器焉及長美風

姿好清言舉心端詳器服簡素與劉惔王蒙等為布衣之遊

策文

晉簡文帝哀策文關撰人姓名曰同軌畢至內外成列素旗宿懸輶輶首轍

執祖行於前殿奉靈輿而遷逝悲神宇之長違痛聖儀之幽毀攀龍

輻以寫慕撫素膺以泣血爰命史臣叙述聖德揚徽音於飛旌寫哀心

于翰墨乃作策曰淳耀發暉皇曆攸應聖祖啓運哲王遐承蒸哉

元后光我中興天基徙播朝陽再升皇矣聖考合一履中道心玄文明內

黜湛湛神儀穆穆靈風望之凝秀即之深冲爰在初齡至性自然水

鏡一垂堂室重玄愔愔素庭翳若丘園遂阿王室婉跡經綸時有汗隆

道無屈伸如彼平流汎矣其津大過之時皇德不競天人革心謳歌
徒詠時惟伊霍輔運以政欽若昊天祗此明命龍飛九五饗茲萬
國居宗舉契允恭玄默網繆哲輔虛已仗德天明方曜離暉翳即
立化誰陶蒼生曷仰四運忽其遙邁日月飄以飛沉將寧神於玄
宇遷玉輅於中林昔華殿之昭晰即幽隧之重深奉神觀以承訣邈
終天而莫尋神恍惚其若寄泣橫墜以流襟

晉孝武帝

晉中興書曰烈宗孝武皇帝諱昌明中宗第三子也策文王珣孝
武帝哀策曰同軌畢至百司肯亞法物又陳輶輶風駕親執饋奠
長號永夜懼鼓刻之逾盡哀良辰之莫借悲宮宇之寥廓痛聖儀
之幽化夫至德無名固理絕稱喟然祝史陳辭亦臣子所貴寄窮情於
翰墨庶遺塵之髣髴其辭曰惟皇作極五德迭胤康實復夏武亦
隆晉亶亶太宗希夷其韻鏡之者玄撫之者順於穆皇考嗣徽絕
軌前聖後哲契合一揆心去其代行遺其美廢華任誠捨筮存旨惟深

十一

通志群方咸秩惟幾成務能事斯畢未若我皇至則不疾恢恢天網疏
而莫失居有以虛宰多以少簡則可從易則不擾信及豚魚澤被億
兆湛然司契坐一八表園陵既衛威靈赫赫子來既構寢廟弈弈武曰
止戈或不極役文教聿脩有耻且格跡有遠邇感無高深道之所被改色
革音皓獸馴苑素羽栖林殊柯通理異蒂同根方融玄液陶鑄斯民
雲韶候奏比屋思淳積祐莫應天罰奄臻太山頽掃洪瀆竭津何殃
之甚何酷之躬自罹旻凶二氣代變霜繁廣除風迴高殿帷幙空張
肴俎虛薦極聽無聞詳視罔見人神道殊吉凶有禮龜筮參謀埏隧
告啓史臣考吉警言者在陛攀援忪忪惟兄及弟龍輿肅以引邁前驥
紛以抗旒城闕儼以整列馳道亘以通脩感平昔之所幸豈斯路之復
由輓哀唱以翼衡駟悲鳴而頤輶違華宇之晰晰即永夜之悠悠奉
靈櫬而長訣緬終天而莫收訢穹蒼以叩踊洞五內其若抽儻性命之可
贖甘人百於山丘茫茫大運靡始不終哲王遺在貴在道融昭我皇
萬代流風良史式述德音永隆

宋武帝

徐爰宋書曰武皇帝彭城縣綏興里人夜生有神光之異室內盡明是夕甘露降于墓樹少嘗遊下邳遇一沙門于逆旅舍沙門言及中原多故因云江表尋復喪亂能拯之者其唯君乎其意甚切至初高祖患手創積年去瘰沙門因出懷中黃散一裹留之沙門既去高祖追而望之倏忽不見以散治創一傳而愈餘散寶錄之每被金創輒用有驗高祖舉目眊眊常見二龍在焉始尚微小及貴龍形漸長光色轉明左右侍者亦數見徵異晉陵人韋藪少以占相為事其言多驗嘗相高祖曰石當位至方伯久之又曰君相轉進貴不可言唯願富貴無相忘高祖北征至洛陽常有紫雲見於軍上沈約宋書曰帝諱裕字德輿小字寄奴初為冠軍孫司馬相立篡帝位遷天子於潯陽相修入朝尚祖從至京邑立見高祖語司徒王謐曰昨見劉裕風骨不恒蓋人傑也上清簡寡欲嚴整有法度未嘗視珠玉輿馬之飾後庭無絲竹之音寧州嘗獻琥珀枕光色甚麗將北征以琥珀治

金創上大悅命擣碎分賦諸將平關中得姚興從女有盛寵以之廢事謝晦諫即時遣出宋臺建有司奏東西堂施局脚牀銀塗釘上不許使用直脚釘用鐵孝武帝大明中壞上所居陰室其處起玉燭殿與群臣觀之床頭有土障壁上挂葛燈籠麻蠅拂侍中袁顛盛稱上儉素之德故能光有天下克成大業者焉

宋

謝靈運武帝誄曰九有同悲

四海等哀矧伊下臣思戀徘徊敢遵前典式述聖徽乃作誄曰舜潛歷巖高晦泗渚龍德而隱風積乃舉皇之遁世屯難方阻眷此區寰閔爾淪旨大元之季子權戚携薄隆安之初主相蒙弱嶽牧糾虔朝庭紛錯姦橫乘隙蛟噴鯨躍既擾奧區遂斥帝厘亂離斯瘼不後不先寔賴明哲已拔手康旃紀度迴薄餘分成閭舊晉中微偽楚籍豐躡彼潛機勅此英陣推亡必朽固存斯振盧循負險肆匿遐嶺弥我江豫迫我臺省民既搖蕩國將遷鼎乘駟歸轅式固皇墳弘危濟險弭難釋殆虎騎務鳥隰舟師漲海傾穴尋窠窮幽測昧昔去洛汭息肩江止世累十君年踰百祀國絕興復家成桑梓荒默莫恤

頽國誰耻夏典載內九道是行商誥述湯兼攻是并勤彼周流恊此經
營杖鉞伐鼓赫赫明明乃勅衆師音執戎昭誨以三略惠以六改雲撤周京
席卷秦郊復禮前坐雪愧舊朝既清西關將旋東道中憩徐豫
兼應燕趙業盛且襄代惠伴大造澤及四海功格八表悠悠聲教綿
綿川陸北獻氈裘出貢金竹髻首冠弁穿匈釵服寒穴欣日巢拙玩屋匪惟
遐譚靈物偕就孰可入事自天所祐甘露芝草祥雲瑞宿嘉禾連木素鳥皓
獸昔之所感謳頌曰音今之所應幽顯心宋充虞德晉猶唐欽曰撻八紘于
茲三齡四維開張九流昭明敦儉務素欽賢愛萌制規作訓闡拔修經禮樂
已甄雲雨未弘將陟井陘薄掃白登北朔渴望飛旌衡輞東岱靈遲王
牒金勝天地不仁蒼生寡福已荷一遇弃我何速梁顛太頽甘殞以贖同軌畢
至率土咸哀殊方均服纒纒素縷灑淚成雨響音叫如雷史臣考卜高山聞基
貞龜無遠遷靈筮有期嗣皇擗標群后崩悲孰去不戚痛百在茲惟祖之
夕流火始變秋月未永飛漏急箭前鳴簫簫哀嘷金觴虛奠列駕長隧發
輦華殿華殿既謝長隊是幸雙蓋躡躡六閑引領攀援容貌眷戀俄

藝

十三

頽哀哀百僚長辭含鯁奉教百朝執鞭王始從履五收年歷十
祀天光下濟謬茲承眷齒愧微刀筆頗預遊止垂幕侍講接筵食理脩曙
卽夕登臺泛沼正昔月匪日無晏無卑如何且緬邈穹昊微容未遠聖靈超
然收淚即路含戚何言風霜蕭瑟山海蒼茫地苦情矜節速心傷孰是
幽哀實戀我皇情思如環萱蘇豈忘議宋顏延之武帝謚議曰以爲
聖哲同風功美殊稱蓋出乎道者無方故刑于物者不伏惟道塞人神信
通期運愛敬所稟因心則遠英粹之照正性自天體苞潛躍慮周卷舒
龍德在陰雖艱貞而不悶因時而惕故有來其必亨在晉之季皇塗荐
阻撓搶干紀玳璣失馭天鑒靈武民屬聖明不假十室之資不籍百乘
之賦首義馳風一鼓靜亂滌除太階消殞薄蝕斯亮登庸之基經綸
之始者也內難離平弭外圖未輯河華海岱負固相望荆濮燕亳侯服
交侵眷言帝畿思康王路戎不再駕遺珉即序斥候之所未羈亭
徼之所不譯昔夫不飾誠請罪款塞來賓故能洒掃中嶽致廟九山神
道會昌寶命既集損之而益後身愈先既而儀形帝載指讓天歷

改玉乎文祖班瑞于神宗貫革寢機文武措笏故辰居兩楹坐八表國訓
成均之學家沾撫辜之仁大美配天必終之以儉德道固萬葉猶申之以
話言允所謂教思無窮樹之長世取高上代願邈前王矣

宋孝武帝

沈約宋書曰帝諱駿字休龍小字道民文帝第三子也元凶殺逆舉
義兵克定京邑乃踐帝位年三十五崩在位八年

宋文

宋謝莊孝武

帝哀策文曰應門洞望馳道南除葦塗已撤鬱鬱豈將虛哀子嗣
皇帝擗標池綽周遑旌軼攀七緯之崩淪慟三靈之徂盡百神慕而行
雲沉萬國哀而素霜霄衣冠網邈弓劍不追敢緝謳頌髮髻希夷
其辭曰樞電皇根月瑤國緒胤裔丹陵蟬聯華渚二后在天大行纂武
克眷克聖重規龍衣矩昭昭金式明明玉溫望雲其遠就日其尊雨露
湛冬暖春暄聲芳納麓道昭賓門上德無稱至功不器悃悃四始優遊
六位綴鄉音蘭深緝言瓊秘悠哉梁踐眇焉分肆芻業開寓離經作翰
鴻起荆河鸞遊楚漢泗濱霑明江區承免陝左清郊棠陰虛館地維不

謝

十四

紐輒網弛機義庭薄蝕紫路流飛泣血派淡願瞻川沂孝貫樞極義
震寰象圍誓鉞皇郊詔師牧甸七景締華五雲卷煽雪怨園邑掃耻瀛
縣啓聖宸居集寶龍見王室多故國步方蹇淮濟列衣冠江荆毀冕東
楚亂常西華汨典動筭弄揮圖爰戡爰前乃決宙斯澄綿區咸鑄修風曉逸
德星夕映潯露飛甘舒雲結慶禎被動植信泊翔泳缺禮克宣墜圭章必
措方堂饗食極圓流肆胄南聳郊宮北清靈囿瑤軒春藉翠華冬狩經
緯窮文克定盡武鄙上呈祥介丘載佇在盈念元成功弗憂榮錯中世曷弁
前古眷業初遠鴻化方亭丹雲承日素景騰星玉几去龍裝綴衣在庭辭
重陽之昭昭降大夜之冥冥氣質炎涼史詔龜筮文物空嚴鑿和虛衛動
歷輅之透遲頤壁羽之容裔出國門分天地向幽途異身世龍旌鬱鬱而青槐遠
嶺葭亂而白楊翳觀初霜之變條聽秋風之下蒂橋山組雲穀杖虧日赫車
道結寒松庭盡密芝蓋迫軫上驤眷轡萬寓肅其北較靈阿聞其深益
南維有山傾離光不常鑄騰英聲與茂實方流華於舞詠

藝文四六聚卷第十三

齊高帝

齊武帝

齊明帝

梁武帝

梁元帝

北齊文宣帝

陳武帝

陳文帝

陳宣帝

齊高帝

齊書曰諱道成字紹伯蘭陵人受禪于末在位四年

帝哀策文曰降階執禮泣血纏心感

辭曰靈源遙商哀肇惟商丘聖功心乎夏賢識歸周我皇踵武超冠前

猷英風允迪德音孔修月准敷仁日

隆七教水祚將傾軋維晦象韋弁長

國圖靡緝民規載爽康世以德撥

義克舉自東祖北遐方即序功被河

步藩屏來登翼贊綢繆總章因作

陸亦鑒靈命放昏以忠登明資敬

人經謀連樞禁兵接神垆禦斯奸以

政教雲行徽猷天造山鑑紫琬苑茂

地維既肅遐邇一體表裏禔福乃

所尚惟簡所保惟賢居尊彌約無差

下達玄泉聽覽開日應物餘景怡上

迹庇區服情深箕頰萬寓食和百

何奮捐民極嵩岳長傾宸暉斯具

微知章立言垂範玉潤金相瞻仰

旗之逶迤振哀笳於八極響音清

長離風遲遲而懷暮日慙慙其若

丁年之薄祐許窮心於兩儀

唐虞永揖之曲近摹漢魏高謝之

替之徵若乃與能之交禪錫之會

終上公磻溪翼周名極列伯臣才

非半古功愧逮聖獄訟不往謳歌

河之馬圖之寶天無乘龍之錫伏願陛下遺舜禹之心俾臣守巢由之節
則道耀日月澤浸飛泳

齊武帝

齊書曰諱績字宣遠在位十年議梁沈約齊武帝謚議曰臣聞天德
平分而四時之名或異聖功揆而皇王之稱不同蓋跡因一事名由義立堯禹
佐咸率茲典伏惟盡寂窮微含神獨照德茂始業之主道冠初邦之君含
精靈於五緯駕貞明於三象初九勿用英氣凌雲負揭日月抑揚雷漢
龍姿鳳采煥若履天登庸在試盛績雲舉雖屈景潢汗降情尺木而
拯世濟民浚發懷抱昔成湯百家仁被比屋文王十里化先寡妻前聖後
賢重規杳矩震雄圖於九江播靈威於夏納旌旆未麾鯨鯢自殞弗勞
羗棘之長無待六事之人義等伐謀功高善陣建有國之符成定鼎之業
會朝清明事資於牧野受命作周非止於西伯視瞻寢門孝德光備守器
宗祧元良載遠嗣大寶以君百辟敷景化以致隆平守在四夷威行海內
囹圄寂實禮讓文興八柄馭下九官咸事臨朝凝默尊嚴若神風行日
烜無思不暢至仁與造化爭流靈威與雷霆齊軌上貫蒼昊天下洞深泉
春無凄風夏無苦雨時若回愆多稔如積三革不累五刃不砥庠孰夫啟
儒雅雲集訓閱得且蒐狩有序丹徼青丘之野跋踵反戶之民浮深
駕阻迴首革而北夷畏力獻琛內款不藉終軍之使無假絕漠之威嘉祥
霧合秘瑞泉涌史不輟文簡無虛日方當垂七曜之旗駕八龍之乘望禮
中嶽肆覲群后造化不仁穆卜愆應慕切遺弓哀同過密晦朔不居殯
宮將啓勤茲大名宜盡徽極

齊明帝

齊書曰諱鸞字景栖在位五年哀榮梁沈約齊明帝哀榮文曰龍
叢既撤備物已陳殯宮無夜夕燎終晨號環輶幄攀標應路容衛弗
改軒檻如故望東川而不追仰昊天而自訢列聖同軌謚法樹聲爰詔掌隴
式播遺英其辭曰五曜在天迹作民主赫矣帝高蒸哉嗣武多難固業德
憂啓聖時惟我皇功符受命爰始濡足坐運機深鵬逝風舉龍動雲
陰之郢南沂即豫西臨體茲大德懷此小心賓于四門四門穆穆納于百揆

百揆肅肅德浸董茶仁被比屋何遠何邇無思不服嗣君喪道不式
典謨神器業業事等瞻烏民懷奧主后来其蘇皇天眷命授以錄圖
臨朝凝睇昧旦不顯斟酌前王擇其令典不言斯應不行斯踐路室靡管
離宮弗宴春言膠塾弘啓上庠軌儀四代祖述三王德暉內動英華外揚
禮行罇俎義及幽荒仰庶天德降年永久北極齊光南山獻壽滄溟奄
竭嵩岱皆朽泆非昊穹惟余之咎攀龍詐幾大隊方玄猷世崇陞即宮
下泉殞階已遠素幕高褰端闈洞啓屋縹徐前背朱闕以南轉乘翠
龍而東度經原野之荒涼屬西成之去暮伐金鼓以清道揚悲笳而啓路極
厚地而不追終蒼蒼天而永慕蒼梧暎遠脊微不泯紀事寂寞龜書可備
哲王違世克播遺塵猗歟萬古暉光日新

謚策

齊謝朓明皇帝謚策文

曰仰惟早棄萬邦聖列方遠式遵帝世俾登鴻猷咸以爲無名以化則言繫
莫宣其道有來斯應則影響庶圖其功所以永言配命寄心宗極光昭令德
允樹風聲伏惟合信四時齊光日月創保大於登庸通機神於受命因時協
藉九萬而輕舉天保既定運四海而高臨及開物成務重維國細風行草偃化往

齊書卷一百一

三

九

如神左賢右戚內樂外禮輯五材以教民申三驅而在宥用能盛德躬薦美善
斯畢皇矣之業既孚蒸哉之道咸備景化方遠猷世在天龜筮告期遠日
無改仰則前王俯詢百辟累德稱美允極鴻名

議

梁沈約齊明帝謚議

曰臣聞君德靡二辟王之名不二聖功無爽堯禹之稱或殊兼以拯世寧亂致平
未必同道崇壇增祀嘉號不可相龍不伏惟自天誕眷英聖在躬皇矣之符
夙著蒸哉之謠早集賓門納揆天平地成自南自北無思不肆任屬負圖
道守揚末命值嗣主狂凶人倫道盡宗社玷危瞻烏靡託國難立長亂極
治刑四海樂推三靈以眷東向而讓天下功高代入流涕而膺寶位如就重負
日具劬勞躬親庶事撫辜納隍之念義我同於罪已振民厚下之情無廢於
終食聰明神武逖聽邇聞萬目備張絃網靡漏御纒不迷寧藉聽於襄
野大川可濟不待備於舟楫崢嶸之下澤靡不懷寒廓之上明無不燭包
以宇宙潤以風雨霜露所交人跡所至百姓仰之而不知其始萬物用之而罔
識其終上庠廢業忽焉已久三載弗爲淪弛將及臨朝引領思隆雅訓
貴遊肯萃俊造成群方將駢世及本既仁且壽告成東嶽高宣安汾陽造

化不仁獸世云及放勳之慕不追負鄉之思空遠殞宮將撤輜軻難留
英聲茂實於是在 **梁**任昉齊明帝謚議曰以為窮神之跡無繼

於成名教思所宗言歸於有稱是以則天為大義盡於翼善武功受命
理貫於斯文伏惟功高五讓道冠三極愛敬始於揚名孝饗終乎嚴
配寡廓大度誕君人之符閨庭小節應軌物之訓歷試允諧納揆時
序貽厥之寄義均負圖懷棟惟新壓焉將及於是承制宣德定策
公卿登嗣后於西鍾反獨夫於侯服既而主幼時艱仍離屯蹇應當壁
之祥注息肩之願立德以長紹開中興擬度天行取則軋健日吳罷朝幽枉必
達官曹寂寞園狃空虛虎門肆義大足協律嚴廊有搢紳之談鄉塾
無橫議之士既富而教弘此孝治遂使家無蕩子野有栖畝官具天下於掌
握覽八荒於戶牖寵微金穴之家恩絕椒風之館天應民和祥符揜暨故能
上變雲物下涌深泉若乃青丘舟陵之國黃銀紫王之瑞幽符遠萃詢
德報功方將馳道日觀清宮鳴澤為而不恃高掛成功百川所以朝宗參
辰於焉取正豈所謂中衢均奠懸衡共軌者歟 **表** **齊**謝朓為百官勸

卷一百一十四

四

進齊明帝表曰臣聞時乘在御必待先天之業神化為皇乃叶應期之
運况復湯孫有緒纂堯惟德舊邦佇新復禹歸社大齊之權輿寶
曆孕育前古昭假四海克酬三靈而嗣命疾威蕃鄙叛換委表御寓
彝鼎如忽陛下文思體道徇齊作聖剪應龍於冀川戮長蛇於沮水榮
光之瑞昭迴返喜之寶潤色天睭爰發人謀咸替伏願陛下仰蒼靈祇
宣景命誕受多方奄宅萬國 **啓** **梁**沈約賀齊明帝登祚啓曰竊惟皇
源浚遠帝寶連暉基深慶厚道貫萬葉而鬱林凶德早樹行悖人
經逃聽之所未書宗廟之殆如綴百靈聳動九服迴遑結后来之望
庇民之主日月以冀遐邇翹心伏惟陛下大聖在躬君德夙表龍章日綵
燠若麗天納麓賓門道風遐被眷化神行無思不洽獄訟允歸天人戴仰
屈飛龍之眇轡紆汾陽之遠情運堯心以臨億兆敷舜烈以膺寶命雖
中宗之興躬道宣后之隆漢德異世同符千載一揆刑措之業方遠隆平之
基在焉率土含欣懷生戴賴况臣早蒙覆潤夙荷恩靈踊躍外畿心不
勝慶謹緝民和式流星澤塗歌里抃戴懷鳧藻

梁武帝

梁書曰武帝諱衍字叔達蘭陵人受禪于齊在位四十九年議梁武帝
高祖武皇帝謚議曰臣聞翼善傳聖曰堯仁聖威明日舜受禪成功曰禹
除虐去殘曰湯謚者行之跡號者功之表雖賤不誅貴卑不誅尊而彰
乎名者盛德之嘉號也被於物者治定之實錄也斯所以聲明煥乎鍾石
昭晰備於絃管者焉伏惟天縱欽明惟眷作聖功超三五聲踰七十仰之
彌高就之彌遠載潛躍乃武乃文先是木運告終群后改屬軋維因搆
地紐如崩禘祀阡危公卿肝食九牧有淪骨之悲八表興橫流之歎乃凝
威黑水表瑞丹陵雲台景從表裏禔福受終文祖允恭克讓知黔首不可
以無歸蒼生不可以無主降汾陽之遠志不得已而臨之於是類帝禋宗
革命創制禘郊式展躬薦斯潔臨茲大寶化與和氣俱宣扇此王風政與
秋霜並肅言懸日月功格區宇不以紫為貴不以黃屋為尊政謚刑措
民勦國阜虹旌式卷堡燧載清肯象相因環楛無曠天衢亭泰王道外
平南海候風東溟奉賚膏露凝枝慶雲觸石山開蒼壁地出玄珪驃騎

卷之十

五

把鉞則休屠款塞太尉抗旌則名王履角聲教所漸浹靈地之都威令
所行通燭龍之外開庠建序布獲於成均正俗移風氛氲於司樂虛納十
亂引諒直之規廣闢四門弘招賢之德青衿知擊壤之性黃髮志鼓腹
之歡加以鑽味微言研精至道文終所收之典史倚所讀之書無輟萬機且
千遍馳郁郁之聲表皦皦之德允所謂皇哉君哉日用而不知者矣方且告
成岱嶽鏤升中之玉簡昭事梁甫秘社首之金繩而文王明夷事侔往冊
黃帝橋山痛深前典萬有人倫傷三辰掩曜人祇軼慕山海含悲慟功陟方
哀深過密煩冤荼毒貫心髓風樹不靜陟岵何期思所以欽若九功仰
稽七德初梁流約武帝踐祚後與諸州郡勅曰欽惟遂古爰及近代雖禪
代異時而成功一揆豈惟靜民寧亂實由符運惣集故能啓業垂統光宅
區夏齊氏邁茲昏詖斯亡奄及民命蠢蠢蠢倒懸非喻朕大懼四海舟覆二
象雲傾億兆與崐崗並燎摺紳與蘊崇共日永言悽悼發憤經筵推鋒授
袂電擊風掃藉上天之靈因熊羆之用德未半古功侔前烈齊氏既欽若
虞夏高揖萬邦兼以冥符先著樂推攸在幽顯宅心辭不獲命猥以虛

寡君臨萬國川壑之懷寤寐必益慮方欲昧且不顯日昊忘勞思與賢能康濟世道卿擁旄萬里共治是寄當求民瘼留念獄而威斷以御強猾仁惠以撫貧孤使遠近幽深感付其所方虛位欽能懸爵佇効勿令漢代璽書獨行於自古晉世班條麻不用於茲日想加克勉副其側席令梁任昉齊宣德皇后臨朝答梁王令曰承固茲謙揖未膺大典敬復雅旨良有憮然夫至寂難原言象所絕教思有律感通斯在所以異人者神明同人者用舍王誕茲上眷對越天行德冠二儀化周動生民以來入而已但達節弘道每濡跡於中庸神照惟幾不扣心於鑽仰范宣既讓其下取則况聖圖眷輒歌思是歸廉約雖弘慶賞遂替誠賢者悅義長難進之風不肖者矜功沮竭力之効勸沮之間所差已遠王何得不暫紆雅尚允答天人使朕夜艾以安早朝有預今遣率茲百辟申薦誠款萬致一塗煩言可略又敦勸梁王令曰夫功在不賞故庸勲之典益闕施倖造物則謝德之塗已冥要不得不強為之名使銓宰有寄王實天生德齊聖廣洲重構參辰而九星仰止不易日月而二儀貞觀在昔晦明隱鱗載翼

卷一百

六

本

博通群籍而讓齒乎一卷之師劔氣凌雲而屈跡於萬夫之下辯析天口而似不能言文擅彫龍而成輒削蒼不爰在弱冠首膺弓旌客遊梁朝聲華藉甚隆昌季年勤王始著建武惟新締構斯在功隆賞薄嘉庸莫疇一馬之田介山之志愈厲六百之袂大樹之号斯存及擁旄司部代馬不敢南收推轂樊鄧胡塵罕嘗夕起惟彼狡童窮凶極虐衣冠泯絕禮樂崩喪既而鞠旅於言衆言謀王室白羽麾黃馬底定甲既鱗下車亦瓦裂致天之届拱揖群后豐功厚利無得而稱是以祥光捲至休氣四塞五老遊河飛星入昴元功茂勲若斯之盛而地狹乎四履勢卑乎九伯帝有惡焉輶軒萃止今遣率茲百辟人致其誠庶匪席之旨不遠而復重敦勸梁王今日朕聞疋夫好仁義在磨踵君子行道達斯兼濟未有盡器窮神蘊微章乎天植高奠中樽覩傾壘而弗極惟王德冠往初功無與二四時等契兩曜齊明擬度天行取則軋健而延距艱季道極百王授義而起戎大定羅山革草同不率從用使商庭在以慈周闕樹梓傾宮既散鹿其臺靡菲苾苗盛德大業巍巍若此日者亭岐之號爰發帝言殊物備禮率由寡昧雖

復雲竿載路清蹕啓行昭德報功未臻其極而高揖天休遠存克讓
俾予未亡興慙日昊今遣率茲百辟人致誠請庶有感眷心霽然降志
梁任昉為百辟勸進梁王時曰伏承嘉命佇策明公逡巡盛禮斯實
謙尊之旨未窮遠大之致何者嗣君棄常自絕宗社國命民主前為
仇讎折棟崩榱壓焉自及卿志懷脯斲之痛黔首懼比屋之誅明公亮格
天之功拯水火之切再踵日月重綴參辰反龜玉於塗泥濟斯民於坳岸
使夫疋婦童兒羞言伊呂鄉校垂熟塾耻談五霸位卑乎阿衡地狹於
曲阜明公宜祇奉天人允膺大禮無使後予之歌同彼肯怨兼濟之仁
翻為獨善又戕曰近以朝命蘊崇冒奏丹誠奉披還令未蒙虛受摺
紳顛顛深所未達蓋聞受金於府通人之弘致高蹈海隅疋夫之小節是
以履乘石而周公不以為疑增玉璜而太公不以為讓况世哲繼軌先德在民經
綸草昧歎深微管加以朱方之役荆河是依班師振旅大造王室雖復累
跡投宋重眦存楚居今觀古曾何足云而惑甚盜鍾功疑不賞皇天后土不
勝其酷是以玉馬駿奔表微子之去金版出地告龍逢之怨明公據鞍輒哭厲

三軍之志獨居掩涕激義士之心故能使海若登祇磬圖効社山戎孤竹束

馬景從伐罪弔民一匡靖亂匪叨天功實勤濡足且明公本自諸生取樂名

教道風素論坐鎮雅俗不習孫吳大搆茲神武驅盡誅之氓濟必封之俗龜

玉不毀誰之功歟獨為君子將使伊周何地某等不達通變實有愚誠不

任慳欵棘心重謁伏願特膺典策式副民望

序

梁沈約武帝集序曰文

思安安欽明所以光宅日月光華南風所以興詠日角之主出自諸生銳頂之君

少明古學漢高宋武雖闕章句一歌大風以還沛好清談於暮年夫成天

地之大功膺樂推之寶運未或不文武兼資能事斯畢者也我皇誕縱

自天生知在御清明內發疏通外舉爰始貴遊雋志經術究淹中之雅旨

盡曲臺之奧義莫不因流極源披收心振藻若前疑往滯舊學子罕通而

超然直詣妙拔終古善發談端精於持論曷壘難踰推鋒莫擬有同

成誦無假含毫興絕節於高唱振清辭於蘭畹至於春風秋月送別望

歸皇王高宮志期促賞莫不超超眷興濬發神衷及登庸歷試辭翰

繁蔚牋記風動表議雲飛彫蟲小藝無累大道懷君人之大德有事君

之小志爲下奉上刑於辭旨雖密奏忠規遺稟必削而國謨藩政存者猶多逮乎俯應歸運仰修軋錄載筆握簡各有司存如綸之言時或染翰暨於設虞靈囿愷樂在鎬鹿鳴四牡皇華棠棣之歌伐木采薇出車杖杜之讌皆詠志摛藻廣命群臣上與日月爭光下與鍾石比韻事同觀海義等窺天觀之而不測遊之而不知者矣竊唯左史記言右史記事君舉必書無論大小况乎感而後思思而後積積而後滿滿而後言若斯而已哉謹因事立名隨源編次

梁元帝

梁書曰諱繹字世誠武帝第七子也嗣位三年表陳沈炯爲羣臣勸進梁元帝初表曰春蠶爾羯胡遂憑天邑閭闔受白登之辱象魏致堯城之疑臣聞喪君有君春秋之茂典以德以長先王之通訓少康則收衆撫職祀夏所以配天平王則居正東遷宗周所以卜世漢光以能補不道故景歷重昌中宗以不違群議故江東可立天其祚梁必將有主軒轅得姓存者二人高祖五王代實居長功高九有道濟生民非奉聖明誰嗣下武日月貞明太陽不

可以闕照天地貞觀軋道不可以久惕寶器存乎至重介石慎於易老黔首豈可以少選無君宗祏豈可以一日無主又第二表曰紫宸曠位赤縣無主白靈聳動萬國迴遑雖醒醉相扶同歸景亳或謳且誦惣赴唐郊陛下沈首謗然讓德不嗣臣聞星迴日薄擊雷鞭電者之謂天岳立川流吐霧蒸雲者之謂地包天地之混成洞陰陽之不測而以財成萬物者其在聖人乎故云天地之大德曰生聖人之大寶曰位黃屋廟堂之下大非獲已所安明鏡四衢之罇蓋由應物取訓陛下稽古文思英雄特達比以周旦則文王之子方之放勳則帝執手之季千年且暮可不在此斯庭聞湮亡鍾鼎淪覆嗣應景業非陛下而誰豈可使赤眉更立盆子隗囂託置高廟陛下方復從容高讓用執謙尊展其矯行僞書誣罔正朔見機而作斷可識矣不疑何卜無待著龜日者公卿失馭禍纏霄極獯羯憑凌奸臣牙起師戎伐類無處不然勸乎誅晉側足皆爾宗社不墜繫在聖明今也何時而申帝啓之避危若此方陳太伯之辭國有具臣誰敢奉詔又第三表曰日者百司岳牧仰祈宸鑒以錫珪之功旣歸有道當璧之禮允屬聖明

明而優詔謙冲官然凝邈謳歌載馳是用翹首楚人固執燻丹穴以求君周
民樂歸越岐山而事主漢王不即位無以貴功臣光武上華廟王豈謂紹宗
廟陛下英威茂略雄圖武筭指搗則丹浦不戰頽眄則阪泉自蕩地維絕
而重紐天柱傾而更指縱陛下拂衣而遊廣成登弁山而去東土群臣安得仰
訴萬物何所歸仁况郊祀配天壘篚禮曠齋宮清廟匏竹不陳豈可以
稽衆議有曠彝典 **陳**徐陵勸進梁元帝表曰臣聞封唐有聖還承帝
譽之家居代維賢終纂高皇之祚至如金行重作源出東莞炎運猶昌
枝分南頓莫不因時多難俱繼神宗者也陛下握符執鉞將在御天王勝珠
衡先章元后神祇所命非惟太室之祥圖書斯歸何止堯門之瑞星躔東井
時破嶺瀘雷震南陽初平尋邑宗王啓甯非勞武德之侯清蹕無虞
何事長安之邛正應揚龍旂以饗帝御鳳宸以承天歷數在躬疇與
爲讓豈可遂迴固讓方求石戶之農高謝君臨徒引箕山之客未知上德
之不德唯見聖人之不仁

北齊文宣帝

十卷之卷十四

九

北齊書曰諱洋字子進受禪于後魏在位五年 **哀策** **北齊**邢子才文宣

帝哀策文曰阜路啓扉輻輳弛殯八校案部六卿且引攀辰虫輅而雨泣
仰穹蒼而撫心悲風發而地駭愁雲興而景沉哲王垂軌有訓有則式奉
話言光敷令德其辭曰四象更運九天代名通三以王得一爲貞是應立德實
啓蒼精風后之陣師尚之兵三奇六合七變五成授柯推轂稟律龍興行野
無宇陣邑少堅城經營四海劬勞百姓芝蓋夕臨羽旄晨映地不掩瑞天
無惡受寶既丹其雀又朱其草莫黑已素莫赤自皓百獸斯蹈五靈載擾
甘露灑灑青龍矯矯武功已暢文教未窮方便偃烽候銷戟藏弓齊光
日月比祚華嵩而氛侵日下星閭虛中奄指朝市長棄華戎道宣末命義
闡餘風六綽已散九旗方卷見容衛之虛歸知平生之日遠同乘雲而永
騎龍之更反清結奏方野風急金鼓震辰方日光晚千官悲而雨注萬國哀而
露泣萬事同盡百慮俱收劍鳥來去衣冠自遊音儀已謝神教空留知英
聲與至德當無絕方千秋 **議** **北齊**邢子才文宣帝謚議曰伏惟聖德光
遠神猷弘大初自登庸民與言所集把尺持刀成務斯在百揆載清四門維穆

及天眷既屬人謀所歸鳥獸遷情士女革面敬順天人拱指群后處無上之尊居域中之大禮威樂修時和歲稔海內有截天下泰然猶憂勞億兆經營四國同虞舜之巡省若軒轅之靡寧威武紛紜神功四暢怨西以東化南自北臨瀚海以浴兵登天山而繼馬左然右拂夷歌成章方朝百神於太華受萬國於稽嶺外中增封高拱垂衣而天喪黎庶奄捐四海考妣之慕實被含生稱天作誅抑唯恒數故以名這實盡物未臻其美屈道從制一日可成名

陳武帝

陳書曰諱霸先字興國吳興長城人受禪於梁在位三年**哀榮****陳沈炯**武帝哀策文曰望三靈而撫目踏九地而崩心哭仍几之將撤慟祖考之虛斟黃屋覆而白日掩紫極泣而浮雲陰其辭曰悠悠媯水鬱鬱堦堦墟惟帝之系在唐作唐正卿之後握此靈符雕雲布族祥星結樞力負茲天鏡來拾遺珠爰初發跡斬蛇鞠旅大定番禺載戡海渚承釁而運席卷中流王室如燬乃合諸侯負鈇誓衆釋位同謀俱登涿鹿實斷蚩尤道濟一匡功歸四履爰物百官訓于天子儻來有運事非獲已羣

藝文四

十

十

龜負字赤雀銜書謳歌適夏禮樂遷虞負宸正位升壇受圖二儀協序五緯同符門歌麟趾室詠騶虞奉常定日太卜蠲時外中備物方告雍熙天甘露地秀金芝休禎未替靈既徒欺吏求穆卜詔絕良醫義蹕失御天街禡蹕夏采升榮宮車晏出洞閨移凶充庭罷吉閉宮官之窮燈去昭昭之遊日歸大暮之不暘降幽宮而長畢巫咸筮吉容成戒期文衛如在葆鐸相悲去畢陌而東顧望橋山而路邊巨攀龍尚在魂過沛而何之侍伍昂之靈毒縣奉寂寂之空帷銅爵沒於脩松平陵隱於深栢節盡鼓之哀音燈燿火於通夕薤露落而暮田寒玄霜凝而龍草白銘功德於旗常被徽音於鍾石迴天儀於清廟祔祖考而來格播茂實與英聲鬱鬱氛氲於宗祏**陳沈炯**為百官勸進陳武帝表曰臣聞春榮秋落四時所以迭代金行水流五德所以互序昔陶唐告終有虞氏作漢魏禪讓晉宋以之登庸天有非常之功有非常之賞能利天下者受天下之利陛下造化之功日用之德寒裳去之物誰仰許頃五星夜聚八風通吹豐露呈甘卿雲舒族白狼遠至素雉朝飛天意顯然靈貺可觀

陳文帝

陳書曰諱蒨字子華嗣位七年京策陳徐陵文帝哀策文曰容車曉
駕幄殿晨張旌帷具列綽翻成行蟬蜃輅於丹陛攀龍惟於紫庭趨
過窮於屏闈拜慟感於明靈東京飛其瑞露北陸賈其祥星乃詔雲
臺之史稽採咸池之曲叶大雅於鳴金同藏書於群玉其辭曰若水傳帝薰
風御民重光所集世載于陳赫矣高祖悠哉上昊蟬聯寶甯暉煥却裡我
皇誕聖膺此家慶道王衢躄神疑懸鏡洛書天表河紀靈命納揆馳
芳賓門流詠稽陰克伐震野勤王皂道增搆函風會昌言瞻少昊寶貝
杖高陽駕駕彼軫轉清宮未央歡覃北庶德泊遐荒穆齊高寢土膳長
樂肅肅承頽哀哀薦酌悼園恭儉章陵謙約大寶崇名無聞改作
纂武外歷遺愛寔繁三湘九派彌氣雲昏力折天柱才傾地門甘泉夜照
細柳朝老谷魅山鬼橫流塞源赫赫英暮言剋剋雄斷遍行天討無遺神
算鬱鬱掃江淮長驅巴漢九夷百越雷隨風渙北頓屍耶西戡伊軫荷負
皇極劬勞庶幾勤民聽政吳食宵衣服貴緜阜風移閩闈唐山罷奏濮
水韜徽訪採在狗豕敷文微世感中孚民維大畜外戶無閉高垣奚徒降
情儒雅疑懷庠塾御廡為歡臨雍彌肅禮兼三六樂備九成天資武德
地照文明墨履斯在襟中自清連珠合璧曜奕流精獸舞時豫禽歌頌
平帝載維遠王靈維大候雨占風荒中海外憬彼鞮譯咸承冠帶是日君臨
斯為交泰白環已賁玄珪克禎東河佇指北狄思征鉞斧將或琤珩未鳴
是播去楚日亦志荆億兆何豐亨旻遽傾天禹胼胝重華腴脂仰惟勞務
同斯違擇發夢無徵昭祈奚益聽茂陵之鍾鼓抱喬陽之劍易詎彭芳
歸於宸儀終經綿於號擗三占以吉四海同奔列昭天宇崩號帝闈千門啓
於閭闔萬乘誓於靈輶槐風悲於葦道松雨思於邾原靈金旂動而
虛蹕宿衛中而空尊卑陌平夷流山蟠固紀無遷市唐有通樹經白社
之脩塗迴青門之廣路思沛邑以東臨懷周京以西願機神不測性道難稱
充窮靡定可孺慕奚馮惟封去之與禪肅玉牒之與金繩揚英聲而未
久共日月而俱升

陳宣帝

陳書曰諱瑱字紹世在位十四年哀榮隨江掩陳宣帝哀榮文曰望

塵綽而攀標拜龍菡而慟絕變五統而婁涼迴三辰而慘切感川岳而地
維傾號穹蒼而天柱折千秋茂德萬世鴻名爰詔掌禮式序英聲其
辭曰媯水樞宿姚墟大虹謳歌承曆揖讓受終重規帝緒踵武王風名山
紀迹清廟傳功我后丕承思弘祖業莅政恭已臨朝凝默燠爛九功蕝蕝七德
憲章昭著威靈允塞爰茲發迹天步艱難連華滕衛比譽應韓羽
儀戚右軒冕朝端祈膺當璧翳顯大橫延喜授玉告善飛旌神器有奉
性道無名詩頌唐年樂舞姬日仁聲汪濊武義洋溢理訟總街凝情衢
室巡望如禮幽祇咸秩壇垂叛搜閔微虔劉治兵丹浦獲醜青丘屠鈞
且拔管庫方搜如龍駕鼓獻雉焚表天必呈祥地寧受寶神禽奇
獸嘉穀靈草屈軼抽階飛黃伏皂綺雲舒慶珠星照老廣敷立素
弘啓膠庠書林吐馥文園含鏘南洽侯衛北暢遐荒那羅自解周圍無
傷金英掩色玉床弗豫天駟摧鑣王良失御鑄鼎矣益綴衣何處湯湯
幽夜冥冥上山長違拜曰天意祈年寧神卜兆早駕迴天銅麟感泣銀

藝文類聚卷十四

十一

田出德陽之廣殿動繁笳之哀轉渡洛水之浮橋望偃師之近縣
而未遠隱黃山而不見鐸啓挽而依依馬嘶風而戀戀平原欲晦落照將垂
鳳蓋飄而水暗鸞鳥蹕從脊而山危曳地旗之舒卷間翠野之參差鳥哀哀
而驚曙松瑟瑟而吟枝異故鄉之絲竹悲舊宅之墳笮掃秋葉而無盡薦
春櫻櫻而頰知北邙已謝西陵何有遠宿蒼梧便乖仁壽聲合韶護道宣
戶牖共瀛海而恒流並嵩華而莫朽

藝文類聚卷第十四



后妃

白虎通曰天子之配謂之后后者何也明海內之小君也 禮記曰古者天子立后宮三夫人九嬪二十七世婦八十一御妻以聽天下之內治以明章婦道故天下內和而家理婦順不脩陰事不得謫見於天月為之食月食則后素服而修六宮之

職蕩天下之陰事又曰舜葬蒼梧蓋三妃未之從也 舜不告而娶下正 周官曰仲春詔后師內外命婦始登于北郊以為祭服上春詔王

后師六宮之人生種而獻之於王 舜不告而娶下正 毛詩曰閔睢后妃之德也風之始也所以風天

下而正夫婦也 又曰葛覃后妃之本也后妃在父母家則志在於女功之事躬儉

節用服澣濯之衣尊敬師傅則可以歸安父母化天下以婦道也 又卷耳后妃

之志也又當輔佐君子求賢審官知臣下之勤勞內有進賢之志而無險詖私

謁之心朝夕思念至於憂勤者也 又樛木后妃逮下也言能逮下而無疾妬之心焉

木下曲曰樛木枝下垂故葛藟得而蔓之論 又蟋斯后妃子孫衆多也言若蟋斯不妬忌

則子孫衆多也 唯各斯不如各得大氣而生子 又曰兔置后妃之化也閔睢之化行則莫不好德

賢人衆多也 又曰芣苢后妃之美也天下和平則婦人樂有子矣 尚書曰釐厘降二女

于媯納嬪于虞 嬪嫁也 尚書大傳古者后夫人將侍君前息燭至于房中釋朝服

龍衣燕服然後入御于君鷄鳴太師奏雞鳴于陛夫人鳴佩玉于房中告去也

然后應門擊柝告闕也 史記曰自古受命帝王及繼體守文之君非獨內德淺

也蓋亦有外戚助焉故易基乾坤詩首閔睢書叙釐厘降春秋譏不親迎夫

妻之際人道之大倫也 漢書曰漢興曰秦之稱號帝母皇太后祖母稱太皇太

后正適稱皇后妾稱夫人又有美人良人公子王子之號至武帝制婕妤姬娥容華充容

各有爵位而元帝加昭儀之號凡十四等 又曰黃帝妃方雷氏生玄囂焉為

青陽妃累祖生昌意妃彤魚氏生夷鼓妃嫫母生蒼林 應劭漢官儀曰皇

后稱椒房取其實甘芳延及盈斗以椒塗坐室取温煖除惡氣也猶天子朱泥殿

上曰丹墀 漢舊儀曰皇后婕妤好乘共車餘皆以茵四人輿以行皇后玉璽文

與帝同皇后春桑皆衣青手採桑以繅三盆盥示群臣妾從春桑生而皇

后親桑於苑中垂室養蠶千箔以上群臣妾從桑還獻璽於館 又曰

皇帝賜后黃金萬斤 又曰皇后食二十縣曰湯沐邑 五經要義曰古者后

與帝同皇后春桑皆衣青手採桑以繅三盆盥示群臣妾從春桑生而皇

夫人必有女史彤管之法后妃群妾以禮御于君所女史書其環以進退之
生子月辰則以金環退之當御者著于左手既御著于右手左手陽也以
當就男故著右手右手陰也御而復故世本曰高祖嘗上其四妃之子皆有
天下元妃有邵氏之女曰姜嫄生后稷次妃有娥氏之女曰簡狄生契次妃陳
鄩氏慶都生帝堯次妃嫫姆生帝堯手論語武王曰予有亂臣十人乳
子曰才難不其然乎有婦人焉九人而已婦人文母也列女傳曰黃帝妃嫫母
於四妃之班居下貌甚醜而最賢心每自退又曰啓母塗山之女者夏禹之妃
塗山女也曰女媧禹取四日而去治水啓既生呱呱而泣禹三過其門不入子之塗
山獨明教訓啓化其德卒致令名禹爲天子啓嗣而立能繼禹之道又
曰湯妃有莘之女也德高而名訓正後宮嬪御有序伊尹爲之媵臣佐湯
致王又曰太姜者太王之妃有台氏之女也賢而有色生太伯仲雍季歷化導三
子皆成賢德太王有事必諮謀焉詩曰爰及姜女聿來與日宇此之謂也
又曰太任者王季之妃執事任之女也端一誠莊唯德之行及其有身也目不
視惡色耳不聽惡聲口不出放言瘦于豕牢而生文王文王生而明聖太任
教以而知其百卒爲周宗君子謂太任爲能胎教又曰太姒者文王之妃
莘妣之女也號曰文母亦思媧太姜太任旦夕勤勞以進婦道文王治外文
母治內生子太姒教誨十子自少及長常以正道押持之卒成武王周公之
德帝王世紀曰武王妃太公之女曰邑姜修教于內生太子誦瑣語曰周
宣王夜卧而晏起后夫人不出於房姜后既出乃脫簪珥待罪於求巷使
其傅母通言於宣王曰妾之淫心見矣至使君王失禮而晏起以見君王
之樂色而忘德也亂之興從婢子起敢請罪王曰寡人不德寔自生過非夫
人之罪也遂復姜后而勤於政事早朝晏退卒成中興之名續漢書
曰明德皇后馬氏伏波將軍馬援之女也后年七歲幹治家事勅制僮御出
入計校一以貫之年十三以選入太子宫接待同列而承至尊先人後已發於至
誠由是見寵是時後宮未有任育者常言繼嗣當以時立薦廷左右恐
不及身衣大帛御者禿几帚不緣諸王親家朝請望見后裙極鹿蹊以
爲綺就視乃笑后曰此繒染色好故用之耳老人知者無不歎息性不喜出入
遊觀又不好音繼不上時幸苑囿離宮以故希從誦易經習詩論春秋

略記大義后志在克已輔上不以私家干朝廷兄為虎賁中郎將兩弟黃
門郎訖永平世不遷

詩

晉成公綏詩曰天地不獨立造化由陰陽乾坤

垂覆載日月耀重光治國先家道立教起閨房二妃濟有虞三母隆周
王塗山與大禹有莘佐成湯齊晉霸諸侯皆賴姬與姜閔睢思賢妃
此言安可忘 又曰那湯令妃有莘之女仁教內修度義以處清謚後宮九

嬪有序伊尹為媵臣遂作元輔 又賢明頌曰於鑠姜后光配周宣非義不

動非禮不言曰安起早朝永巷告愆王用勤政萬國以虔

頌

晉劉柔妻

氏姜嫄頌曰英英姜嫄寔德之純肇承靈瑞武敏是遵 誕育岐嶷毗

贊皇綸播殖之訓萬葉攸循 又啓母塗山頌曰塗山靜居立則悟機大

禹至公過門不歸明此道訓孩胤是綏仁哲以成永繫天暉

魏

韋誕皇

后親登頌曰于時明庶扇物鳥帑昏正躬耕帝藉邁德班令嘉柔桑之

肇敷思郊廟之至敬命皇后以親登俾躬桑于外垆考時日於巫咸詔不

以獻禎御坤德之大輅翳翠葆以揚旌爾乃皇英參乘塗山奉輿總姜

任於後陳載樊衛於貳車千乘隱其雷動萬騎祭以星敷啓前路於三

官命蚩尤而清衢遊青虬於左角步素螭於右隅登崇壇 而正位觀

休氣於朝陽步雕輦而下降手柔條於公桑嬪妾肅以莅事職登植

而承筐供副禱之六服昭孝敬於蒸嘗盛華禮於中宇神化馳於八方乃

延群妾宴賜于前降至貴以逮下布愷悌之渥恩禮儀備序巾車迴轅班

中黃之禁財散束帛之芟芟神澤霈以雨施洪惠播於無原同碩慶於

生民發三靈之永歡苞繁祐於苗國卷福釐以言旋美休祚於億載豈

百世之曾玄

曰左九嬪武帝納皇后頌曰我我華山峻極太清巨靈導

流河瀆是經惟瀆之神惟岳之靈鍾于揚族載育盛明我后穆穆應

期挺生含聰躋詰岐嶷夙成如蘭之茂如玉之瑩越在幼冲休有今名飛聲

八極翕習紫庭超任邈妙比德皇 英京室是嘉備禮致聘令月吉辰百僚

奉迎登位太微明德日盛群黎欣 戴函夏同慶翼翼聖皇春哲孔純

愍茲狂戾闡惠播仁蠲累滌穢 與時惟新霈然洪赦恩詔遐震后之

踐祚囹圄虛陳萬國齊歡六合 同欣坤神抃舞天人載悅興瑞降祥表

精日月和氣烟煴三光朗烈既獲 嘉時尋播甘露玄雲掩靄靈液霏

霏既儲既積待陽而晞長享豐年福祿永綏 **晉**曹植姜嫄簡狄
贊曰譽十四妃子皆為王帝摯早崩堯承天綱玄鳥大跡躬周美祥
稷契既生功顯虞唐 又禹妻贊曰禹娶塗山土功是急聞啓之生過門
不入女嬌達義明動是執成長聖嗣天祿以龍衣 **晉**傅玄班婕妤
贊曰斌斌婕妤履正修文進辭同輦以禮匡君納侍顯德謙對解紛退
身避宮志邈浮雲 又明德馬皇后贊曰明德馬后執貞履後素光崇六
行動遵禮度作后作母帝諮厥謀國賴內訓家應顯祚 **晉**左九嬪
虞舜二妃贊曰妙矣二妃體靈應符奉嬪于媯光有此虞沅湘示教靈
德永敷 又周宣王姜后贊曰昭昭宣王克復前制亶亶姜后乃激乃
厲執心至公以恢明世 又納楊后贊曰清和協極二儀降靈啓茲揚族仁
哲誕生德音內發有馥其聲之符表運作合聖明文定厥祥考卜惟貞
良辰納幣三光即清元公執執于嘉禮告成卿士庶僚爛其充庭赫赫華
宗弈世載榮謙光其尊在滿戒盈受茲介福垂祚億歲 **晉**庾闡二
妃像贊曰二妃玄達含靈體妙協德坤元配虞齊耀明兩既麗重光作昭有

邈其微神風遐劭 **歲**後漢皇甫規女師箴曰觀象制教肇經乾坤

家有王義室有嚴君各有定位陰陽是分昔在軒轅陶化正刑刑于壺
闈以臨百官煌煌后妃玄統是閑穆穆夫人爰採潔蘋系師禮莫違而神
因時怨關睢首化萬國承流實有淑女允作好逌唐媛興媯武盛周德音
不回弘濟大繇咨爾庶妃鑿鑿路斯邁戰戰兢兢厲省繁華帝漸進不形
變起無外行難著而易喪事易失而難退動若順流應如發機奉上
惟敬撫下唯慈怨豈在明患生不思 **後漢**傅幹皇后箴曰煌煌四星著

天垂曜赫赫后妃是則是效舜納二女對揚茂教正位于內 **晉**張華女史箴曰
辛亂妲己共則情悅牝雞亂晨那祀用絕孝成寬柔縱弛紀綱王擅
朝權趙專椒房巨猾是緣竊弄神器故禍不出所憎常出所愛是
以在昔明后日新其化匪唯訓外亦訓于內 **晉**張華女史箴曰茫茫造化兩

儀始分散氣流形既陶既甄在帝庖羲肇經天人爰始夫婦以君臣家
道以正而王猷有倫婦德尚柔含章貞一婉婉淑慎正位居室樊心感莊不
食鮮禽衛女矯相耳息和音志厲義高而二主易心玄熊攀檻馮媛趨

進夫豈無畏知死不吝班女有辭割歡同輦夫豈無懷防微慮遠人咸知飾其容莫知飾其性性之不飾或愆禮正出其言善千里應之苟違斯義同衾以疑懼不可以瀆寵不可以專專實生慢慢愛極則遷致盈必損理有固然

晉

裴頌女史箴曰膏不厭鮮水不厭清玉不厭

潔蘭不厭馨爾形信且影亦不曲爾聲信清響音亦不濁綠衣雖多

無貞貞於色邪徑雖利無尚於直春華雖美期於秋實冰璧雖澤期

於見日浴者振衣沐者彈冠人知正服莫知行端敗美動目行美動神天

道祐順常與吉人

漢

楊雄皇后誄曰沙麓之靈太陰之精天生聖

姿豫有祥禎作合于漢配元生成孝順皇姑聖訥齊莊內則純備後烈

丕光肇初配元天命是將志在黎元是勞是勤寅賓出日東秩陽谷鳴鳩

拂羽勝降桑木蜚于壘館躬執筐曲帥道群妾咸修螽族分爾理

絲女工是勅遐邇蒙社中外提福自京逮海靡不仰德去此昭昭就彼冥

冥忽兮不見超兮西征既作下宮不復故庭

後漢崔瑗竇貴人誄曰

若夫貴人天地之所留神造化之所躬勤華光曜乎日月才志出乎浮雲然

藝十五

五

猶退讓未嘗專寵樂慶雲之普覆復悼時雨之不廣憂國念主不敢

怠遑嗚呼哀哉惟以永傷重曰積善之家福慶長修身以壽道之常聖

人之言義不虛修身獲報効莫疏令問不忘身猶存貴人雖沒遺德尊

著于金石垂後昆

曹植下太后誄曰率土噴薄三光改度陵頽谷踊五行

于錯皇室蕭條羽擻四布百姓歔歔嬰兒號慕若喪考妣天下縞素

聖者知命殉道寶名義之收在亦弃厥生敢揚后德表之旒旌光垂罔

極以慰我情乃作誄曰我皇之生坤靈具輔作合于魏亦光聖武篤生帝文

紹虞之緒龍飛紫宸奄有九土詳惟聖善岐嶷秀出德配姜嫄不忝先

哲玄覽萬機兼才備藝沉納容衆含垢藏疾仰奉諸姑降接儔列陰

虺陽觀潛明內察及踐大位母養萬國溫溫其仁不替明德悼彼邊氓未

遑宴息恒勞庶事兢兢翼翼親桑蚕館爲天下式樊姬霸楚書載

其庸武王有亂孔歎其功我后齊聖克暢丹聰不出房闈心照萬邦年踰耳

順軋軋匪倦珠玉不玩躬御緜練日具忘飢臨樂勿讌去奢即儉曠世作顯

慎終如始蹈和履貞恭事神祇昭奉百靈躡天躋地祇畏神明敬微慎

獨執禮幽冥虔肅宗廟蠲薦三牲降福無疆祝太其誠宜享斯祐蒙社
自天河圖凶咎不勉斯年嘗禱盡禮有焉無痊豈命有終神食其言遺孤
在疚承諱東藩擗踴郊畝灑淚中原追號皇妣弃我何遷昔垂願復
今何不然空宮寒廓棟宇無烟巡省階塗髮鬢欒軒仰瞻帷幄俯
察几筵物不毀故而人不存痛莫酷斯彼蒼者天遂臻魏都遊龜舊
邑大隧開塗靈將斯哉歎息霧興揮淚雨集徘徊輻輳號咷弗及神光
既幽佇立以泣 **晉張華**章懷皇后誄曰自天陶靈必有徵祥誕在初
載亦曜神光顯應天祿聿嬪聖皇受氣自然寔聽清和內含茂質外
發英華身處宸極敬恭惟夙窈窕淑媚柔順婉穆宣慈內政流化
太微六宮變雅清我壺闈經綸庶屬積思萬機既臻緝熙之澤流
行將翼我后登封降禪氛侵告妖沉結彌留奄忽外遐弃在高遊聖
上哀懷感切悼心率土縞素退密八音眇眇遊靈將焉所之容光幽邁
豈有反期杳杳新宮下絕三泉茫茫陵域合體中原委弃暉章即安
大清 **晉左九嬪元皇后楊氏**誄曰昔有莘適那姜妣歸周宣德中

閨徽音永流樊衛二姬匡齊翼楚馬鄧兩妃亦毗漢主峨峨元后光嬪
晉宇伉儷聖皇比蹤往古遭命不永北陽即陰六宮號咷四海動心嗟余
鄙妾銜恩特深追慕三良甘心自沉何厝存思不忘德音何用紀述記辭
翰林乃作誄曰惟嶽降神顯茲禎祥萬生英媛休有烈光和暢春日操
厲秋霜率由四教容德匪荒行周六親徽音顯揚皇英佐舜塗山翼禹
明明我后與世同矩去胡不造丁茲禍殃寢疾彌留寤寐不康祈禱無
應嘗藥無良有始有終天地之經自非三光誰能不零存播令德沒圖
丹青温温元后寔宣慈焉撫育群生恩惠滋焉懸名日月垂萬春焉 **宋**
謝莊孝武帝宣貴妃誄曰律谷罷煊龍鄉輟曉照車去魏聯城辭
趙皇帝痛掖殿之既闋悼泉塗之已空巡步檐而臨蕙路集重陽而
望椒風國軼喪淑之傷家疑賈妣之怨敢撰德於旂旒庶圖芳於鍾
萬其辭曰玄丘烟煨瑤臺降芬高唐泄雨至山鬱鬱雲誕發蘭儀光啓
玉度望月方娥瞻星比婺女敏德素里接景震軒處麗絺綌出懋蘋
藪系脩詩賁道稱圖昭言翼訓妣幄焚贊軌堯門展如之華寔邦之媛

勤勤顯陽肅恭崇憲奉榮惟約承茲以遜逮下延和臨朝違怨祚靈
集祉慶藹迎祥皇胤璽式帝女金相聯附齊穎接萼均芳以蕃以
牧燭代暉梁視朝書氣觀臺告稜璿衡蔽容翬翟毀在掩采瑤
光收華紫禁移氣朔兮變羅紈白霜凝兮歲將闌庭樹擗馬兮中睢
響音金缸暖兮玉座寒仰昊天之恩報怨凱風之徒攀經建春而右轉
循閭闔而徑度旌委鬱於飛飛龍透遲於步步鏘楚挽於槐風唱邊
簫肅於松霧涉姑射而環迴望樂池而頤慕晨韞解鳳曉蓋俄今山
庭寢白隧露抽陰重扃閉兮燈以黯中泉寂兮此夜深銷神躬於壤
未散靈魄於天浸 **晉潘岳景獻皇后哀策文**曰於穆先后儷皇
協運世宗之胤德博化先用儉禮峻任妙隆周后亦母晉終温且惠其儀
淑慎既慎其儀克明禮教撫翼齊蕃訓成弘操 其慈有威不舒不暴
乃家乃邦是則是效嗟余艱七仍遭不造靡恃惟杜景命弗保心之云
痛痛貫穹昊龍衣龜筮之良辰啓幽房之潛窆遂整武駕之隆杜結龍
輶之縞駟望旂常而崩摧披輶輶以增欷口嗚咽以失聲目橫迸以灑淚

邈雨絕於宮闈長無覲於髣髴 **晉張華元皇后哀策文**曰天地配享

化成兩儀王假有道義在伉儷姜嫄佐魯二妃興媯仰觀古籍覲亦同
規今胡不然景命夙虧我膺曆運臨統萬方正位于內寔在嬪嬙天作
之合駭發其祥河嶽降靈啓祚華陽弈世豈衍朱紱斯皇來翼家邦
憲度是常緝熙陰教德聲顯揚如何不吊昔世隕喪瑤齊無住長去
蒸嘗追懷永悼率土摧傷陵兆既宅將遷幽郁宵陳夙駕元妃其徂
宮闈遏密階庭永虛設祖屬紼告駕啓途法服輦榆寄象容重金
輅掩藹惟裳不舒千乘動軼六驥踟躕銘旌樹表晏柳雲敷祁祁同
軌岌岌蒸徒孰云不懷哀感萬夫寧神虞旃安體玄廬 **宋顏延之**
之元皇后哀策文曰龍輶纏繞容翟結駟皇塗昭曠神路幽嚴皇帝親
臨祖饋躬瞻宵載飾遺儀於組旒綸徂音乎珩佩悲黼 之移御痛
輦輦之重晦降輦客位徹奠殯階乃命史臣累德述懷其辭曰倫昭
儷昇有惣有憑圓精初鑠方祇始凝昭哉世族祥發慶膺秘儀曷曾
圓光玉繩昌暉在陰柔明將進率禮蹈和稱詩納順爰自待年金聲夙

振亦既有行素章增絢象服是加言觀維則俾我王風始基嬪德蕙
問川流芳猷允塞方江泳漢再謠南國伊昔不造鴻化中微用集寶命仰
陟天機釋位公宮登曜紫闈欽若皇姑允迪前徽孝達寧親躬行宗
祀進思才淑傍宗圖史降音在詠動容成紀坤則順成皇軒潤飭下節
震辰騰上清眊側有來斯雍無思不極象物方臻視履告汝太和既輶攸
華委世蘭殿長陰椒塗弛衛戒涼在律杪秋即窅霜夜流唱曉月升
魄八神警言引五輅遷跡噉噉儲嗣哀哀列辟灑零玉墀雨泗丹液
撫存悼亡感今懷昔南昔國門北首山園遥酸紫蓋眇泣素軒滅采清
都夷體壽原邑野淪藹戎夏悲歡來方可述往駕弗援 **齊謝朓**
敬皇后哀策文曰翬帝舒阜玄堂啓扉俎徹三獻筵卷六衣懷感
衛而延首相駭鳥輅而撫心痛椒塗之先廓哀長信之莫臨身隔兩起時
無三辰旋詔左言光敷聖善其辭曰帝唐遠胄御龍遥緒在秦作翌
在漢開楚肇惟淑聖克柔克令清漢表靈曾沙膺慶爰定厥祥
徽音允穆光華沼止榮曜中谷敬始締絡教先種稷耆問川流神襟

蘭郁先德韜光君道方披輔佐永賢在謁無陂頤史弘式陳詩展義
厚下曰仁藏往伊智十亂斯俟四教因式思媚諸姑貽我嬪則化自公宮遠
被南國軒曜懷光素舒佇德閔予不祐慈訓早違方年冲藐懷袖
靡依家臻寶業身嗣昌暉壽宮寂遠清廟虛歸帝遷明命民神
肯悅軋景外臨陰儀內缺空悲故劍徒嗟金穴馮相告稜宸駕長往貽厥
遠圖末命是將懷豐且沛之綢繆昔神京之弘敞陋蒼梧之不從遵鯨
隅以同壤陳象設於園寢映輿緩於松楸望承明而不入度清洛而
南遊繼池綽於通軌接龍帷於造舟迴塘寂其已暮東川澹而不流藉
閔宮之遠烈聞續女之遐慶始協德於蘋蘩終配祇而表命慕方經
於賜衣悲曰隆於撫鏡思寒泉之同極託彤管於遺詠 **梁任昉王貴**
嬪哀策文曰游衣戒節轎車命服永去椒華長辭嘉福筭緘遺組
筵委塵鞠將命啓期寔惟嘉數珮空鄉音其何節姆下當其誰傳殯
宮既毀祖饋斯撤爰命史臣宣美來商衣坤載既厚內德云助軒五有弘
姬十斯豫誕咨邦淑選自良家爰登六列象服委蛇青絢丹纓展衣

素紗肅雍婦織僉曰俞往贊景望舒方娠明兩心前軌慶軒中增即
與枯不愆臚魄無爽式陪璽觀有事蚤宮降輿訪道基我王風宣
禮撤豆絹樂房中居貴能降在盈思冲仁者必壽彼蒼者穹如何
不淑萬化齊終薦車告殯安旣辨黼妻瑾以陸離帷帳紛其舒卷
出桂宮而北徂經未央以西轉池紉頤而徐前服馬嘶而不踐霜霏微而初
被野空籠而始彫促虞泉於薤露撫悲翁於短蕭母以子貴義弘
前哲申前齊削以從疑革麻縗之輕殺達副君之天至賦白華之無
缺庶清廟之微微非壽原之永翳

論策 **宋**謝莊躬貴妃謚策齊
維年月日皇帝曰咨故淑儀躬氏惟爾合徽挺懋爰光素里友琴
流苻實華紫掖奉軒景以柔明發迹處椒風以婉孌外名幽閑之
軌曰藹層闡繁祉之慶方隆蕃世而當春掩藻中波滅源朕用
震悼傷于厥心松區已前剪泉真將遂宜旌德第行式衍聲芳魂而有
靈尚茲寵渥嗚呼哀哉

詔 **梁**沈約梁武帝立內職詔曰刑于垂
訓周文所以表德壺闈失序漢氏所以喪邦並被諸方策式昭戒勸魏
晉以來雖去簡薄而內職名號參差不同在宋太始位置繁縟遂
設九品且擬外朝填委椒掖徵費無已自此相仍踵以成舊昭陽九華千
門萬戶朕受命自天始基七百思所以立房自邇貽厥方來前代職品所
宜因革外可詳議務令該允

陳徐陵陳文帝登祚尊皇太后詔曰朕
以虛薄才非弘濟竊守蕃維常懼盈滿豈圖蒼昊不吊國步艱
難皇嗣元良藐在峭渭二巨奉迎川塗靡從六傳還朝淹留未日令
國圖無主家業事隆上奉父母之嚴規下逼群公之庭諍遂以庸質
升纂帝基對揚大化彌增旆懼今宜式遵舊則奉上皇后尊号為
皇太后御慈訓宮依前典若中流靜晏安皇嗣歸來朝當解紱於箕
山之陽歸老於瑯琊之國復于明辟還承寶圖若問與吏無媿園寢

章 **梁**江淹為建平皇慶王后正位章曰伏承以嘉月惠時膺曜宸正
翬珩昭品禴組在飾休徧函夏譽躬靈昧伏惟岳曜靜德式懷謙順
升降圖傳左右詩史夙鏡茂資早摘芳訓衍教紫庭麗軌華屋聲激
綺組風偃家邦

梁沈約為六官拜章曰蓬闈菲質嘉淑無等越自

幽衡登軀宸漢奉日月之華侍巾屣之末何以廁鴛鴦之盛序奉屬車之清塵

隨江摠為陳六官謝章曰恭膺禮命愧集丹縷之顏拜奉曲私愁縈翠羽之色曾宮夜火伯媛匪驚楚謝奔濤貞姜何

懼豈期日月騰影風雲寫潤遂復位崇九御聲高六列象服增華

丹駟耀采何以弼佐王風克柔陰化兢惶並集追想流芬之詩荷據相

并遂失鳴環之節 **表** **魏**傳蝦請立貴嬪為皇后表曰有虞始德觀

化媯納夏后創業啓祚塗山咸以淑哲垂文曲頌伏惟貴嬪評秀令族

稟貞高胄應昭明之量兼聖善之行金璽未授而玉瑞先顯表贊

天休昭隆后祚貞侔先典告踰往訓而猶潛光未即皇統進違二儀烟

煨之德退闕懸象兼曜之儀群僚百辟所以竦佇陛下欽若天秩祗

贊帝祉夙崇盛禮俾君萬國則六合承風天下幸甚 **魏**陳王曹植上

卞太后誄表曰大行皇太后資坤元之性體載物之仁齊美姜嫄等德在

如佐政內朝惠加四海草木荷恩含氣受潤庶鍾元吉永膺萬祚何

圖一旦早弃明朝背絕巨庶悲痛靡告旨聞銘以述德誄尚及哀是以

表 **宋**范曄上

冒越諒闇之禮作誄一篇知不足讚揚明明貴以展巨慕我之恩夏荒情

散不足觀采晉左九嬪上元皇后誄表曰伏惟聖善宣慈仁洽六官含弘光

大德潤四海妾聞之前志卑不誄尊少不誄長楊雄臣也而誄漢后班固

子也而誄其父皆以述揚景行顯之竹帛豈所謂三代不同禮隨時而作者

乎 **後**魏温子昇魏帝納皇后群臣上禮文曰臣聞軒轅乃神西陵以之

作合夏后至聖塗山於是來嬪伏惟陛下龍飛續曆大明理運長秋既建

陰教有主景命無窮靈基長世普天之下莫不欣躍 **隨**江惣為陳

六宮謝表曰鶴筵晨啓雀釵曉映恭承盛典肅荷徽章步動雲桂

香飄霧縠媿纏艷粉無情拂鏡愁縈巧代黑息意臨臨妾聞漢水贈

珠人聞絕世落川拾翠仙處無雙或有風流行雨窈窕初日聲高笑價

起兩環乃可桂殿迎春蘭房侍寵借班姬之扇未掩驚羞假蔡琰之

文寧披棟戴 **論** **宋**范曄皇后紀論曰周禮后正位宮闈同體天王夫人

坐論婦禮九嬪掌教四德世婦知喪祭賓客女御序于王之燕寢順官

分務各有典司女史彤管記功書過居有保阿之訓動有環珮之響晉進賢

分務各有典司女史彤管記功書過居有保阿之訓動有環珮之響晉進賢

才以輔佐君子哀窈窕而不淫其色所以能宣述陰化脩成內則秦并天下多自驕大官備七國爵列八品漢興因循而婦制莫整厘高祖帷箔不修孝文衽席無辨而選納尚簡飾玩少華自武元之後世增淫費至乃掖庭三千增級十四及光武中興斷彫爲朴六官稱号唯后貴人貴人金印紫綬又置美人宮人采女三等明帝事遵先旨官教頗修登建嬪后必先令德內無出閫之言惟無私溺之授可謂矯其弊矣孝章以下漸用色授恩隆好合遂忘火蠹自古雖主幼時艱王家多釁委成家宰未有專任婦人斷割重器唯秦羊太后始攝政事故穰侯權重於昭王家富於嬴國漢仍其認知庶莫改東京皇統屢絕權歸女主外立者四帝臨朝者六后莫不定策帷帟委事父兄貪孩童以久其政抑明賢以專其威任重道愆利深禍速身犯霧露於雲臺之上家嬰縲紲於囹圄之下墜滅連踵傾軛繼路而赴蹈不息焦爛爲期終乃凌夷大運淪亡神寶詩書所歎略同揆行梁江淹宋建平王建太妃周氏行狀曰竊聞疾服之譽非黃冠所敷三食之門寧阜衣所述諒畏衷虛美於君后披空名於鼎貴然昔有漢臣誅行晉史書德者亦云實而已焉太妃誕異離之正和函雲露之中氣凝采髻歲賁章笄年若乃彤管女圖之學纂組綺縞之工外降虔謙之儀柔靜嘉順之節莫不中道若性不嚴而成故譽滿帷闥聲播軒殿

藝文類聚卷第十五

藝文類聚卷第十六

渤海歐陽

詢撰

儲宮部

太子妃附

公主

儲宮

周易曰黃離元吉象曰明兩作離人以繼明照于四方 尚書曰惟四月季發上祭于畢下至於盟津之上乃北司馬司徒司空又曰太子發升于舟中流白魚入于舟王跪取出俟以燎群公咸曰休哉 尚書大傳曰天子太子年十八日孟侯子孟侯者於四方諸侯來朝迎於郊者問其所不知也 尚書洪範五行傳曰心之大星天皇也其前星太子也後星庶子也 禮記曰王太子王子群后之太子卿大夫元士之適子凡入學以齒 又曰文王之為世子朝於王季日三雞初鳴而衣照至於宮門外問內豎之御者曰今日安否何如內豎曰安文王乃喜及日中又至亦如之及暮又至亦如之其有不安則內豎以告文王文王色憂行不能正履王季復膳然後亦復初食上必在視寒煖之節 又曰國君世子生告于君接以大牢宰掌具又曰行一物而三善皆得者唯世子而已其齒於學之謂其知父子之禮其二

禮記卷一

知君臣之義其三知長幼之節故學之父子焉君臣焉長幼焉一人元良萬國以貞世子之謂也 左傳曰九月丁卯子同生以太子之禮舉之接以太牢士力負之士妻食之公與文姜宗婦命之 白虎通曰天子之太子諸侯之世子皆就於外者尊師重先王之道也故曲禮曰禮聞來學不聞往教也 賈誼書曰文王使太公望傳太子政以嗜鮑魚公不與曰鮑魚不登俎豈有非禮而可養太子哉 春秋外傳曰靈王二十二年穀洛龍鬪將毀王宮王欲壅之太子晉諫曰晉聞古之長民者不墮山不崇藪不防川不竭澤靈王不從 又曰師曠見太子晉曰吾聞太子之語高於太山願聞三言太子曰吾聞太師之來喜而又懼汝知人年長短吉凶也師曠曰君色赤君聲清火色不壽太子曰然却後三年五月上賓于帝汝慎無言殃將及汝太子時年十五後三年而卒 史記曰厲王出奔彘太子靜匿召公之家國人聞乃圍之召公以其子以代太子太子得脫召公周公二相行政号曰共和十四年厲王死太子靜長於召公家二相乃共立之是為宣王也 又曰上欲廢太子立趙王如意大臣諫爭未得中丞決張良為畫計曰願上不能致者商

山四人今能無愛金玉使太子卑辭厚禮以迎此四人則一助也於是四人至侍
太子入燕年皆八十餘眉鬚質皓白衣冠世偉上恠問之四人各以名對帝
大驚焉曰吾求公數歲常避逃我今何從一吾兒遊四人去上目送之指示戚
夫人曰彼四人輔之羽翼已成難可動矣漢書曰孝景王皇后武帝母也
內太子宮太子幸愛之生三女一男男方在身時王夫人夢日入其懷以告
太子曰此貴徵也未生而文帝崩景帝即位王夫人生男是為武帝
又曰孝元皇帝宣帝太子也母曰許皇后宣帝徵時生民間年二歲
宣帝即位八歲立為太子壯大柔仁好儒又曰孝成皇帝元帝太子母
曰王皇后元帝在太子宮生甲觀畫堂公為世嫡皇孫宣帝愛之字曰太
孫常置左右年三歲而宣帝崩元帝即位帝為太子壯好經書寬博
謹慎初居桂宮上嘗急召太子出龍樓門不敢絕馳道西至直城門得
絕乃度還入作室門上遲之間其故以狀對上大悅乃著令太子得絕馳
道東觀漢記曰建武時天下墾田不實詔下州郡檢其事帝見陳留
隲上有書曰潁川弘農可問河南南陽不可問帝詰吏由趣吏不服拉言

於長安街得之帝怒時明帝年十二在幄後曰吏受郡初當欲以墾田相
方耳帝曰即如此河南南陽不可問對曰河南帝城多近臣南陽帝鄉
多近親田宅踰制不可為准帝令詰問乃首服如顯宗言魏略曰太祖不
時立太子太子自疑是時高元呂者善相人乃呼問之對曰其貴不可言因
問壽幾何元呂曰其壽可至四十當上小苦過是無憂後無幾而立為太子
魏志曰明帝文帝太子生而愛之帝令在左右數歲而有此疑之姿武帝
異之曰我基於爾三世矣每朝讌會同與近臣並列帷幄好學多識持
留意法理吳志曰孫登權長子也立為太子選置師傅詮簡秀士以為
賓友諸葛恪為左輔張休為右弼顧譚為輔正陳表為翼王為四友
於東宮号為多士登鎮武昌或時獵當由徑道常避遠良田不踐苗稼至
所憩止又擇空閑之地不欲煩民一士隱晉書曰初武帝未為世子文帝問
裴秀秀人有相否秀曰中撫軍立髮至地手過于膝人望既茂天表如此非人
臣之相又曰愍懷太子名適少聰惠帝愛之六七歲時帝夜望火太子
嘗上衣裾使入閤中上問其故太子對曰暮夜倉卒宜備非常不當親

近火光令人照見世說曰晉明帝數歲在元帝處坐時有人從長安來
帝謂曰爾言長安遠日遠明帝曰只聞人從長安來不聞從日邊來曰
固宜遠帝大嗔賞明日群僚並集帝更問曰答云日近帝失色乃謂曰
何以昨語異荅曰出門見日不見長安衆莫不嗟嘆詩梁劉孝威重光
詩曰重光儲后宜制義也赫赫重光明明三聖帝作儲述禮和樂正中
衢置樽高堂懸鏡其酌不窮其明逾盛德音孔昭民胥攸詠明明二
聖赫赫重光風神灑落容止汪洋瞻彼談扇載抑載揚何斯天辯如珪
如璋顏閔函席游夏升堂以卿以士惟公惟王思媚儲后顧哉樂康芄芃
黍苗陰雨膏之詵詵纓冕儲王道之道之以禮齊之以理則探聖言則窮神訓
于四國覃于萬民又奉和簡文帝太子詩曰太子天下本元良萬國貞周朝
推上嗣漢世慙重明前星油瑞采沕雷揚遠聲三善傳樂正日行紀司
成九流遍已辯七經咸所精博聞強子政高才凌長卿禮尊逾屈已德盛益
卑情仙氣貽鍾相儒道推相榮延賢博望苑親膳七安城園綺隨金輅
浮丘侍玉笙智囊襄前殿笏端士後垂纓九仙良詠重四海更東傾班輪

同舉乘甲觀齊蓬行賦

魏下蘭贊述太子賦曰超古人之遐迹崇先聖之

十卷六十六

二

弘基毓八素之秘奧遵二儀於大猷正往昔之常弊定當世之舊儀稟
休和之上性應五百之運期著典憲之高論作叙權之麗詩越文章之常檢
揚不學之妙辭蹈布衣之所難闡善道而廣之道無深而不測術無細而
不敷論古賢以歎息觀懿德以歡娛歷精思於訓籍忽日移而忘劬雖
明略而無上猶博納以自扶賓故老以勸俗諷六經以榮儒嘉通人之達節
笑俗士之守株匿天盛之嚴厲揚愷悌之和舒惟凡百之詠德感恩惠之
有餘信清風之休著非且下之敢虛乃作頌曰明明太子既叡且聰博聞強
記聖思無雙倚之左右如虎如龍八俊在側旁無諛凶富不忘施尊而益
恭研精書籍留思異同建計立議廓然發蒙天下延頸歌頌德音聞
之於古見之於今深不可測高不可尋創法萬載垂此休風箴晉溫嶠
侍臣箴曰勿謂其微覆篲成高勿謂其細巨田織毫故曰善不積不足
以成名話言如絲而萬里來享無以處極而利在永貞是以太子之在東宮
均士抗禮以卑厥情入學齊齒言稱先生不以貴自矜不以貴為榮思有

虞之蒸蒸尊周文之翼翼晨昏靡違夙興晏息師傅是瞻正人
在側屏彼佞諛納此亮直故傳劾德義臣思盡忠或稽古訓導惟
道之不融或造膝詭辭懼咎之蘊崇惴惴兢兢思二雅之遺風鑒乎
九三天祿永終近臣司規敢告常從 **周王褒** 皇太子箴曰臣聞教化爰
始詠歌不足政俗既移風雅斯變伏惟皇明御寓功均造物啟文為質
斷雕成素皇太子游雷居震明兩作離春夏干戈秋冬羽籥叔與言慙
五稱之對師曠降四馬之恩竊以太史官箴虞書所誠永樹芳烈丞相
所以垂文深覩安危太傅以之陳訓敢自斯義獻歲云爾 天生蒸民
司牧斯植咸熙庶績式昭王度惠民垂統元良 經體麗止離暉惟機
天啓令問令望聞詩聞禮從曰撫軍守曰監國秋坊通夢春宮養德
栢榮獻書荀攸觀則元子為士齒卿命秩朝服寢門迴車作室正陽
君位喬枝父道亶子所崇忠孝為寶勿謂居尊禍福無門勿謂親賢
王道無偏無為慮始無為事先損之又損而全之亦全無往不復無一
陂美疢甘言鮮不為累則哲惟難知人未易居室為善分陰無棄亡

上卷六六一

保其存危安其位神聽不惑天嫉斯忌文昌其於前星秬鬯由於守

器庶僚司箴敢告閭寺 **隋** 戴逵皇太子箴曰無謂父子無間江充

掘蠱無謂兄弟無携芳倡優起舞 **誄** **晉** 陸機愍懷太子誄曰明明

皇子成命既駿保又皇家載生淑胤茂德克廣仁姿即隼乃當克無疆

光紹有晉如何不弔暴離咎艱曾是造愍匪降自天肇傾運祚遂喪

華年嗚呼哀哉沉雲既祛日月增暉靈寤可贈冤魂難追舊物東

反靈柩西歸傷我惠后哀焉駭羽滅銜哀駿奔凶服就列追慕徽塵

興言斷絕敢誄遺風庶存芳烈其辭曰 **魏** 魏皇基弈弈紫微有

命既集天祿永綏篤生太子慕德承茂平紹大烈時惟洪胄竒穎發

翹清藻在秀誕自幼蒙逮事武皇展矣太子播此瓊芳允矣聖祖

無言不咸婉孌乘輿名裕德昌龍集庚六日月改度赫赫明明我皇登

祚厥登伊何皇統是荷華綬重采翠蓋垂葩鸞駕旗阿邠玉衡吐

和聿來在宮體亮而誠肅雍皇極思媚此宗庭亦既涉學遵師感道

何年之妙而察之早讜言必復乖義則考惟天有命太子膺之惟

皇有慶太子承之當究遐年登茲胡者緝熙有晉克構帝宇如
何晨牝穢我朝聽仰索皇家惟塵明聖惴惴太子終溫且劭銜辭
即罪掩淚衽命顯加放流潛肆鳩毒痛矣太子乃離斯酷謂天蓋高
訢哀靡告鞠躬引分頤景摧剥嗚呼哀哉凡民之喪有戚有姻太子
之歿傍無昵親跼蹐嚴宮絕命禁闈幽柩偏寄孤魂曷歸嗚呼太子
生冤歿悲正夫有怨尚或殞霜矧乃太子萬邦攸望普天扼腕率土
懷傷精感六沛各徵紫房爰茲元輔啓我今番王赫斯怒天誅靡逋撓
搶叱掃元凶服辜仁詔引咎哀策東徂光復寵祚紹建藐孤於時暉服
粲焉畢陳庭旅舊物堂有故臣孰去太子不見其人嗚呼哀哉既濟洛
川靈旆左迴三軍淒裂都邑如隕慨矣寤歎念我愍懷

哀策 **齊王**

勳皇太子哀策文曰繡幕啓塗銅池從殯葆鐸既行杖緯且引皇帝痛柔
盛之闕奉哀亡之有亡憫含嗟乎崇正願掩歆於承光式瞻元良永懷人
寶俾茲史策載餘風道其辭曰居辰北極在日重離誕惟妙善克自生知
資神爲契合聖如規地維缺位月紀寒期哀纏晦朔燧改歲時糴粥不

溢萱桂無滋俛終心禮昌我帝基思皇下武續戎上德將叶人神永貽家國
用稽嗣典實弘儲則庸器改物徽号崇名往辭綠蓋來馭朱纓旂旗
旖旎鸞壽懸聲明守器宣華訪安永福上漏駉軒初晨戒服慶色伊滿
多黃儀載肅至誠莫感遐福空辭氛程月志稜動年司素媛犯列青雲
失滋中楹軼夢當戶陳詩楚藥毀方秦鑿至反轍高議虛演奇文徒說
遠賓上靈長違昭世痛結宸慈哀震華棣嗚呼哀哉軒惟高寂庭
帳深陰鶴開書掩息燈夜沉仍籠衣未改容饌如臨曖微儀而可慕標嗣子
之純心嗚呼哀哉章弁告期麻衣請日辯域展圖揚龜獻吉文物充階
具僚在位捻葭挽之哀淒視風煙之騷瑟嗚呼哀哉飾麾輅而南指轉
旌羽而北徂車結軼於雕轂馬緩節於金蘇寄靈心於萬象增戀戀於
國都嗚呼哀哉光徙靡而欲沉山荒涼而遂晚城闕緬而何期平原忽而
超遠情有望而弗追願如疑於將反嗚呼哀哉梁王筠昭明太子哀策文
曰蜃輅戔戔龍駉跼步羽翮前駮雲旗北徂皇帝哀繼明之寢曜痛
嗣德之徂芳御武帳而淒勵臨甲觀而增傷式稽令典載揚鴻烈詔撰

德於旌旂求傳徽於舞綴其辭曰式載明兩實惟、陽儀天比峻儷景
騰光眷哲膺期且暮斯在識洞機深量苞瀛海立德不器至功弗宰
寬綽居心溫恭成性脩襟孝友率由嚴敬或有種德惠和齊聖括囊
流略包舉藝文徧該細素殫極丘墳騰蹇充積儒墨區分瞻河闡訓
望曾揚芬雲物告猗禋祓寒象星霜恒曜山頽朽壤威儀上賓德音
長往具僚無蔭諮丞安仰嗚呼哀哉首夏司開交秋紀節容衛徒警菁
華共交絕書愧空張談筵罷設虛饋饒饒孤燈毀羽翳嗚呼哀哉簡辰
請日筮合龜貞幽挺夙啓玄宮獻成武杖齊列文物增明昔遊漳水賓從
無聲今歸邾郭徒御相驚嗚呼哀哉昔絳闕以遠徂轡青門而徐轉
願馳道而詎前望國都而不踐凌脩坂之威夷遡平原之悠緬蹶足以
酸嘶挽悽鏘而流泣嗚呼哀哉混哀音於蕭蕭籟歎愁容於天日雖夏木之
森陰反寒林之蕭瑟既將反而復疑如有求而遂失謂天地其無心遽永
潛於容質嗚呼哀哉

藝卷一六

光被四表今代宗宇落天步艱難淳風猶鬱黎民未又自非克明克
哲允文允武豈能荷神器之重嗣龍圖之尊晉安王經德行內敏威惠
外宣群后歸美率土宅心可立經為、天子庶百年勝殘方流餘慶畢世
後仁永固洪業 **梁沈約**太子詔曰朕屬當期運係迹前王思所以長業
祚垂之萬葉百辟咸以元良之寄有國莫先自昔哲后降及近代莫不
儲樹頌守器承祧乃旁挹群議遠惟七百建茲蒙稚仰副宗祊承華
肇開崇基克永無疆之慶非獨在余思霑渥澤被之遐邇可賜天下為
父後者爵一級王侯以下量錫幣帛 **後魏**温子昇魏莊帝生皇太子赦
詔曰有國三善事屬元良本枝百世義鍾繼體朕應天纂命握圖受籙
景祚唯新十年以永今日吉辰皇子誕育彩雲映日神光照殿方開博望
將起龍樓遠近同歡人神共悅便可大赦天下 **魏**文帝答下蘭教曰賦
者言事類之所附也頌者美盛德之形容故作者不虛其辭受者必當其
實蘭此豈吾實哉昔吾皇壽王一陳寶鼎何武等徒以歌頌猶受金帛之
賜蘭事雖不諒義足壽也今賜牛一頭 **表** **吳**張儼請立太子師傅表

昔賈誼為漢文帝陳周成王為太子以周公為傅召公為太保呂望為
太師又立三少皆上大夫使與太子居處左右前皆正人也明禮義以導習
之故能光熙文武興隆周室伏惟陛下命世應期順臯作主皇太子以天然之
姿為國上嗣朝廷四海未定國家多事師傅之官闕而未備臣愚以為
高祖初基天下造創引張良叔孫通出為師保入與朝政宜博采周漢依
舊儀用將相名官輔弼太子於是以熙贊洪業增暉日月實為光大也

魏下蘭贊述太子表曰伏惟太子研精典籍留思篇章覽照幽微才不
世出稟聰敏之絕性體明達之殊風慈孝發於自然仁恕洽於無外是以
武夫懷息文士歸德竊見所作典論及諸賦頌逸句爛然沈思泉涌華藻
雲浮聽之忘味正使聖人復存猶稱善不暇所不能間也昔舜以蒸蒸顯其
德周且不驕成其名豈曰南面之尊以發假稱鼎足之盛以取譽哉夫至尊至
貴能令人畏不能令人譽故桀不能變龍逢之心紂不能易三木之意懷近
服遠非德無施今太子博納多容海濔岳峙學無常師唯德所在思無所
思唯德所親觀士察人毫毛無失望色則知其情覽始則達其終遇偽辯

於未言絕讒巧於未形其所以包羅殊類鑑觀成敗德生於性明出自然太
子所行晏然休著皆群下所常吟咏誠不復須臣贊揚懿美褒稱盛行然
後令夜光之璧顯於金匱隋侯之珠彰於韞櫝者豈相鍾繇大理王朗海
內英儒國家柱臣博物多識通洽君子年者德茂所更多矣若游海者難
與論水觀前世者不可為言然咸歸太子巍巍之美敘述清風言之有味
聽者欣欣忘日之夕流景耀於無窮布芳陰於四遠譬言若麟龍發足羣獸
追蹤鸞鳳舉翼眾鳥隨風小臣區區嘉樂無已竊怡綿綿之屬忘愚戇
之言謹觸冒上賦一篇以摠狂狷之思 **宋**謝莊慶賀皇太子元服上至尊表

曰伏惟皇太子殿下明兩承乾元良作貳抗法迂身英華自遠樂以脩中禮以
治外三善克懋德成教尊今日昭辰顯加元服對靈祇之望儔上庠之歡率
天聲世莫不載躍 又皇太子元服上皇太后表曰離景承宸樞光陪極毓

問東華飛英上序樂正歌風司成頌德清明神鏡 四文在躬練日簡辰顯
備元服懋三王之教燭少陽之重 **梁**簡文帝謝為皇太子表曰伏見詔
書以臣為皇太子有命自天實驚萬物聽鴻名感典爰萃庸薄勢舉千

鈞方茲未重高搏九萬此非遙巨本九蔽實實無取特以毓慶雲霄
憑暉璿極鳴玉內侍指麾外蕃猶懼不任尚疑廢職况復監撫守從
道著前經恭勤温文義彰昔記震維禮絕離景事尊養德北宮贊
業東序魏平非擬漢莊靡繼巨牧拙樊漢始獲言歸遂以下才屬
當上嗣事異定陶之舉有類膠東之冊將何以著三善之德延四皓之遊
屈叔譽之辭下蘭之頌又拜皇太子臨軒貢謝表曰臣聞團暉麗天游
雷居震必資貞令德寔建賢明巨本空薄器業無取已慙好儒之志且
之豐下之姿叨逢慈并事出希世方將問安安侵門視膳天幄察陳奏之
示嚴敬言之書出龍樓而祗召息車馳道侍鑿輿而巡幸說經孔庭
足踐明闔風雲之勢斯近飛陵倒景神仙之舉超然何以允副元良和茲
守器逢師曠之褒值史丹之述 又上昭明太子集別傳等表曰若夫正少
陽之位主承祧之則口實為美唯稱啟誦自茲厥後罕或聞焉昭明太子
稟仁聖之姿縱生知之量孝敬兼極温恭在躬明月西流幼有文章之敏
羽籥東序長備元良之德非假二疎寧勞四皓席貴慙其經學智囊慙
其調護豈止博望延賓壽春能賦問疑 采據書戒憑陵而已哉王折
何追星類靡續地尊號嗣外陽之術無徵位比周儲緱山之駕不反臣以
不肖妄作明離出入銅龍瞻仰故實思所以掄揚盛軌宣記德音謹撰昭
明太子別傳文集請備之延閣藏諸廣內未章茂實式表洪徽 **梁任昉**
為皇太子求曰入朝表曰臣聞內聖告安如昌怡色鳴雞戒旦周發冠履
或以涼燠之候晨昏異且膳羞之和鼎飪殊節一辰三朝稱情猶簡終日
承顏在理斯愜且長壽之對撫循無已馳道未窮願懷不輟豈直下動天
至固亦上結慈衷自頃半旬乃朝遂為通制事踰信次義乖晨省日萬
機不敢三塵御省每且改宿特乞一至寢門 **梁沈約**為皇太子謝初表曰
臣實蒙雅温文以闕不閑三善之訓未習四學之議唯問安內豈因心自發而
親膳寢門未任再至乃降皇慈夙膺盛典貳體宸極守器宗祧願循幼志
如臨冰壑梁蕭子範求撰昭明太子集表曰臣聞姬旦云亡播禮樂於百代
宣尼既歿傳雅頌於千祀夏啓之風載傳樂野周晉之迹止在洛濱侍四
公西京見美長壽一察東漢流名魏轂手之悟蒞衣事開戰國孫登之愛田苗

義屬蜀偏霸各種小善靡擅雕蟲子相雖詩賦可嘉規範頃闕
譏良史取誚前載備而為論僉與允歸自少陽潛位震方滅采神儀
長往銅龍毀掃音顏緬邈舟壑遷移若乃緣情體物繁絃縹錦縱橫
艷思籠蓋辭林積練累素盈車滿笈金石有銷斯文方遠既異陳
王之躬撰又非當陽之自集臣蟬翼輕身未從塵露而班輸嚴駕永輟
駢駢戀主懷茲伏深涕慕冒乞銓次遺藻勒成卷軸 **梁陸倕**為豫章
王慶太子出宮表曰臣聞周固本枝寔資明兩漢啓盤石必係元良所以
闡弘祚鼎光崇守器伏惟皇太子道契生知照均天縱不藉審諭之功
無待溫文之輔而冬書秋記夙表眷資春誦夏絃幼彰神度雖復直
門守令長壽察微魏贊多容漢稱寬博不足以連輝茂則及景令面
甲觀注新桂宮告始朱班徒次翠蓋移陰華裔式瞻人祇蹈舞 **周王**
祿衣為百僚請 **皇太子**表曰臣聞海濤震春方應守器之禮明兩作
離少陽纂重暉之業是以三善昭德載祀之祚克隆一人元良貞國之基永
固至於軒轅得姓高陽才子上嗣佇賢前星虛任魯國公臣贊親居元子
漢書卷六

太子妃

漢書曰漢景薄皇后孝文薄太后家女也景帝為太子時太后為太子
取以為妃 又曰武帝陳皇后長公主嫖女也初武帝得立為太子公主有力
焉故欲以女納太子 又曰武成許皇后平息侯嘉女也元帝選配太子上令
中常侍黃門親近者侍送還白帝稱太子欣悅元帝喜謂左右曰酌酒
賀我左右皆稱萬歲 漢武故事曰初武帝為太子時長公主欲以女配帝
時帝尚小長公主指女問帝曰得阿嬌好不帝曰若得阿嬌以金屋貯之夫
喜乃以配帝是曰陳皇后阿嬌后字也 王隱晉書曰武帝欲為太子取

妃久而不決上欲娶衛瓘女揚后欲娶賈充女上曰衛公女有五可賈公女有五不可衛家種賢而多子端正而長白賈家種妬而少子醜而短黑揚后既納寶物固欲娶賈氏因乃納之 又曰敗懷太子妃王衍女也劉曜等入洛盡將諸后妃去妃獨拔刀向賊曰我司徒公女皇太子妃死則已終不為賊婦賊害之 晉孝武起居注曰上臨軒設懸而不樂遣兼司空謝琰納太子妃王氏賜文武布絹百官詣上東門上禮 甲辰儀曰皇太子妃公主夫人逢持節使者高車使者住車相揖 東宮舊事曰皇太子妃給織成袞帶白玉佩四望車羽葆前後部鼓吹各一部 又曰太子納妃有七絲杯文綺被長命杯文綺袴 **哀策** **宋謝莊**皇太子妃哀策文曰搃凝桂酒庭肅龍輻風吹國路雲起郊門皇帝傷總綖之掩綵悼副禕之滅華行光既晏長河又斜頤而言曰琤瑤有毀郁烈無湮前翦素裁簡授之史臣其辭曰 霍岫虧天瀉流疑漢祥發桐珪慶昭金筭毓景帝出飛芳戚閑秘儀施谷外音集灌月晷幾望娣袂維良釋幃春宮承篚少陽五葉衍藻四訓抽光葳蕤蕙振婉孌瓊相清徽就遠被沚方搏臨

卷一六

十

集

華罷翠帟當擘收蘭復殿生響音長廡結寒節移虛饋氣變容衣中庭草葳階上螢飛傷榮里第痛溢朝闈霜侵燭昧風密帷凄欻馬段夕轉龍駮夜嘶筵既訣兮奠既撤昔青關兮去神闈旌掩鬱而還泛蓋逶遲而頤位素紉斂維華軒解馭山墜恒陰松阿不曙離天渥兮就銷沉委白曰兮即冥暮菊有秀兮蕙有芬德方遠兮聲彌樹 **齊王儉**皇太子妃哀策文曰肇惟初識芳猷夙就翩禮園徘徊樂園視秋齊明方春等茂伊宋之季天衢荐阻咨我儲貳締絹江滸衛女事齊樊姬贊楚美著嬪副徽音踵武數盈則反不極斯昌肅膺靈命經緯三光往儀衡館來式椒堂糾組咸事象服有章八演仰則六幽望景恁悠心草昧如何不永方中委曜先秋落穎世有遺塵庭無餘影嗚呼哀哉遵三兆之嘉日迨九莖之靈期澄金波而映鑿旆命飛廉而拂瓊輜湯清笳於漢表動嘶挽於雲基

公主

公羊傳曰天子嫁女于諸侯必使諸侯同姓者主之 史記曰李斯長男由

為三川守諸男皆尚秦公主女悉嫁諸公子由告歸咸陽斯置酒于家百
官長皆前為壽門庭車騎以千數漢書曰周勃下廷尉吏侵辱之勃
以千金與獄吏迺書牘背示之曰以公主為證公主孝文女也勃子勝尚之故
獄吏教引為證又曰宣平侯張敖尚惠帝姊魯元公主有女惠帝既立
呂太后欲為重親以公主女配帝又曰孝武衛皇后字子夫為平陽主謳者
武帝即位數年無子過平陽主既飲謳者進帝獨說子夫帝起更衣子
夫侍尚衣軒中得幸還坐甚忻賜平陽主金千斤子夫上車主拊其背曰行
矣強飯勉之即貴願無相忘也又曰烏孫以馬千疋媵漢女元封中遣江都
王建女細君為公主以妻焉賜乘輿服御物為備官屬侍御數百人贈
送甚盛烏孫昆莫以為右夫人公主至其國自治宮室歲時再過昆莫年老
言語不通公主悲愁自為作歌天子聞而憐之范曄後漢書曰制皇女
皆封縣公主儀服同列侯其尊崇者加號長公主儀服同蕃王諸王皆封
鄉亭侯公主儀服同鄉亭侯又曰光武姊湖陽公主新寡帝與其論朝臣
微觀其意公主曰宋公威容德器群臣莫及帝曰方且面之後宋弘被引見

帝令公主坐屏風後曰謂弘曰嗟言貴易交富易妻人情乎弘曰臣聞
貧賤之知不可忘糟糠之妻不下堂帝願謂主曰事不諧矣又曰董宣
為洛陽令湖陽公主蒼頭白日殺人曰匿主家吏不能得及主出行而以奴
驂乘宣於夏門亭候之乃駐車叩馬以刀畫地大言數主之失奴下車自
格煞之主即還宮訴帝帝大怒召宣欲笞煞宣叩頭曰願乞一言而死
帝曰欲何言宣曰陛下聖德中興而縱奴煞良民將何以治天下乎臣不須笞
請得自殺即以頭擊楹流血被面帝令小黃門持之使宣叩頭謝主宣
不從帝強使頓之宣兩手據地終不肯俯主曰文叔為白衣時藏亡匿死
吏不敢至門今為天子賊不能行一令乎帝大笑曰天子不與白衣同又曰
竇貫黜長子胤尚內黃公主子勳尚東海王強女比陽公主又子固亦尚世祖
女沮陽公主竇氏一公兩侯三公主親戚功臣中莫與為比又曰館陶公主為
子求郎明帝不許而賜錢千萬謂群臣曰郎官上應列宿出宰百里苟
非其人則民受其殃是以難之矣魏末傳曰何晏婦金鄉公主即晏同母
妹公主賢明謂其母沛王太妃曰晏為惡日甚將不保身母笑曰汝得無妬晏

耶俄而晏死有一男年五六歲宣王遣人錄之晏婦藏其子王宮中尚
使者博頰乞所活之使者具以白宣王宣王亦聞晏婦有先見之旨心
常喜加之且為沛王故特原不煞 晉中興書曰臨海公主惠帝弟四女羊
皇后所生初封清河公主未出適值永嘉亂 賣長城民錢温温以送
女女遇主甚酷主自告吳興太守周禮以聞於是殺温及女適譙國曹統
臧榮緒晉書曰賈后二女宣華女彥封宣華弘農郡公主女彥年八歲
聰明岐嶷便能書學諷誦詩論病困賈后欲議封女以長公主彥語
后曰我尚小未及成人禮不用公主及薨謚哀獻皇女以長公主禮葬送
列仙傳曰朱仲會楷販珠人也高后時獻三寸珠魯元公主私以七白金從
仲求珠仲獻珠四寸 事具寶部 魏温子昇常山公主碑曰啓泰微之層構
闢閭闔之重扉據天下以為家苞率土而光宅然則昆山西時爰有夜光
漢水東流是生明月公主宣靈宸極資和天地芬芳有性温潤成質自
然秘遠若上元之隔絳河直置清高類姒娥之依桂樹令淑之至比光明於
宵燭幽間之盛匹穠華於桃李託體宮闈而執心撫順婉然左辟率禮如

藝二六

賓舉華燭以宵征動鳴佩而晨去致肅雍於車乘成好合於琴瑟
立行潔於清冰抗志高於黃鵠停輪表信闔門示禮終能成其子姓貽
厥孫謀而鍾漏相催日夜不息川有急流風無靜樹奮辭身世從宓妃於
伊洛遽捐館舍追帝子於瀟湘銘曰 龍轡莫援日車遂往奄離形神
忽歸丘壤祖歌薤露出奏空山永厝中野終掩窮泉蕭瑟神道荒涼
墓田松檟徒列琬琰空傳 **宋**謝莊豫章長公主墓誌銘曰冥中
樞之照體星軒之華肅恭在國掖庭欽其風恪勤衡館庶族仰其德神
葉靈條爰自帝堯文信啓魯肇京于楚宵燭載照娥英是從婉婉
締綰優柔肅雍蘅蕙有寶金碧不居泉庭一夜里館長蕪 **齊**王融永
嘉長公主墓誌銘曰作儀阿媛取儷漢妃相金漏質穠李慙暉肅穆
婦容靜恭女德願史求箴披圖問則慶善郁夷與仁冥宵燭亡明曉
挽已聲松門嚴闕泉帳寒清悠哉白日鬱鬱彼佳城 **齊**謝朓臨海公主墓
誌銘曰長發有祥瑤臺乃構玄鳥歸飛北音斯奏聿來徐土禎符爰授
帝體靈柯穠華以秀飾館東魯言歸景族有教公宮無繫車服

既肅簪珥亦崇湯沐率禮衡門降情雲屋彼月斯望在鈞維緝瞻頌
配景望燭齊神靈華岷岫滅采上春慈纏雲陛悲動外姻鬱彼崇
芒睠然城輦輜翟按轡龍旅徐轉又新安長公主墓誌銘曰氛氳
長發時惟春文誕茲明淑玉振蘭芬譽宣女師德侔高行肅穆
嬪風優遊閨正撫事成箴臨圖作鏡如何冥默方春委盛
王曹植平原謫公主誄曰俯振地紀仰錯天文悲風激興霜飈雪雰凋
蘭友蕙良幹以泯於惟懿主瑛瑤其質協策應期含英秀出岐嶷
之姿寔朗貴生在十旬察人識物儀同聖表聲協音律驥眉識往俛
瞳知來求顏必笑和音則孩阿保接手侍御充傍常在襁抱不停第牀
專愛宮取玩聖皇何面奄忽罹天之殃魂神遷移精爽翔翔號之不
應聽之莫聆帝用于嗟嗚呼失聲嗚呼哀哉憐爾早歿不逮陰光
改封大郡惟帝舊疆建土開家邑移蕃王緝珮惟鮮朱紱斯煌國号
既宗哀爾孤獨配爾名子華宗貴族爵以列侯銀艾優渥成禮于宮
靈輻交轂生雖異室歿同山岳爰清玄宮玉石交連朱房皓壁嗚曜電
鮮飾終備衛法生象存長埏繕脩神閨掩扉二極並降雙魂孰依人
誰不歿憐爾尚微阿保激聖上傷悲城關之詩以日喻歲况我愛子神光
長滅倚關一闔曷其復晰 **晉**潘岳南陽長公主誄曰昔唐女嬪媯書叙
菴厘降之美周姬適齊詩詠肅雍之歌漢之新野以節義垂号千載
伊晉之獻主以聰明叡智考終定諡茲可謂母儀純備邁蹤古烈者已
惜乎不來昔世湮沉爰託素旂式章徽音王之誕育既慕洪胄德之休明
亦固天授思婉孌淑質純茂母儀不心內則靡疚肇自弱笄有馥其芬言
告言歸作合于苟在貴思降處逸能壯勤上虔諸姑傍接支嬪內諧閨闈
外和族姻終溫且惠淑慎其身積善餘慶啓茲名胤厲以惠肅誨以柔
順主實體化不言而信二子遵式匪一嚴而峻於穆獻后奕代熙盛重作大
司黎牧火正國之仁姑家之慈母天浩以輔賢宜享遐壽如何短命曾不華
首寢疾弗興繁榮摧朽嗚呼哀哉容車戒路祖奠在庭駢駢躊躇
服馬悲鳴皇輿親臨望旗失聲列辟咸起灑淚霑纓嗚呼哀哉既窆
門降柩升輜靈衣從風素幕生塵明燎守夜竦紼俟晨嘒嘒遺嗣

煒煒孤且號無廢音涕不輟中又皇女誄曰厥初在鞠玉質華繁玄髮
儵曜蛾眉連娟清顧橫流明眸即鮮迎時夙智望歲能言亦既免懷提
携紫庭聰惠機警授色應聲亶亶其進好曰之經辭合容止閑于幼齡
猗猗春蘭柔條含芳落英彫矣從風颺颺妙妙羽媛窈窕淑良孰是
人斯而離斯歿靈殞既祖次此暴廬披覽遺物徘徊舊居手澤未改領
臆如初孤魂遐逝存亡永殊嗚呼哀哉 **晉**左九嬪萬年公主誄曰昔滿春
智周晉夙成威以岐嶷名存典經猗歟公主在幼冠哲方德比齒有邈先
烈何德之盛而年或闕何華之繁而實不結雨墜風逝形影長戚赫赫京
室河洛所經陰精發曜降茲淑靈篤生公主誕膺休禎秀生紫微日暉月
明既睇艷姿徽音孔昭盼倩其媚婉舅其嬌寵玩軒陛如瓊如瑤雖則
弱齒雙德兼苞五福所集聞之先民積善鍾慶祐德輔仁宜終淑美光暉
日新云何降戾景命不振畢畢榮曜英莖始芳何幸于天猥遇降霜
煒煒稚魂飄飄遐翔於戲何辜痛茲不福生而何晚歿而何速酷矣皇靈
謬哉司祿嗚呼哀哉日月載馳白露凝結自主薨祖奄離時節吉凶乖邈

存亡異制將遷幽都潛神永翳嗚呼公主魂豈是綏岌岌靈輜駿駟
駢駢挽僮齊唱悲音激摧士女歔歔高風增哀日不見採蕭作歌况我
公主形滅躋訛精靈遷逝幽此中阿言思言念涕淚滂沱嗚呼哀哉

表 **宋**江敷當尚世祖女表讓督曰伏承詔旨當以臨海公主降嬪榮出望
表恩加典外願審輜蔽跪處憂惶日寒門悴族人凡質陋閭閻有對
本隔天姻年近將冠皆已有室荆釵布裙足得成禮自晉氏以來配尚王姬
者雖累經美胄亟有名才至如王敦懾氣相温餒迹王偃無仲都之質
而裸雪於北階何瑀闕龍工之姿而見投於深井謝莊殆自同於朦瞍那
仲幾不免於強鋤制勒甚於僕隸防閑過於婢妾行來出入人理之常
當待賓客朋從之義而令掃轍息駕無窺門之期廢筵抽席絕接
對之理非惟交友離異仍乃兄弟踈闊姆姝爭媚相勸以急居媪競說
相諂以嚴其間又有應荅問訊止空師母乃至殘餘飲食詰辨與誰衣
被故弊必責顯領或進不獲前或不聽出不入則嫌於欲踈求出則疑於
有別意召必以三更為期遣必以日出為限夕不見晚魄朝不識曙星至於

夜步月而弄琴晝拱袂而被卷一生之內與此乖矣又聲影表聞則少婢
奔迸裾袂向席而醜老藁來左右整刷以疑寵見嫌賓客未冠以容
致斥如臣門介代荷殊榮足定家聲便預提拂青宮美官或由才升一
切媮戚咸成恩侵是以仰冒非宜披露丹款非唯上陳已規全身願是乃
廣申諸門受惠之切若恩詔難降扱請不申便當刑膚前翦髮以山
竄海

藝文類聚卷第十六

頭 目 耳 口 舌 髮 髑 髒

說文曰首頭也 釋名曰頭獨也體高而獨也首始也 黃帝素問曰頭

者精明之主也 易說卦曰乾為首 毛詩曰螭首蛾眉 禮斗威儀曰

君乘火而王其民銳頭君乘水而王其民大頭 春秋元命苞曰頭者神所

居上圓象天 晏子曰湯長頭而髯鬚 史記曰藺相如為趙使秦

持壁却立倚柱謂秦王曰趙王齋戒五日使臣奉壁今大王見臣禮節甚

倨得壁傳之美人以戲弄故臣復取壁大王必欲急臣臣頭今與壁俱碎

於柱矣 漢書曰陳遵長八尺餘長頭大鼻容貌甚偉 帝系譜曰神

農牛首結繩而治伏羲人頭虵身 嚴尤三將叙曰趙孝成王曰誰能當

武安君平原君曰澠池之會臣察武安君小頭而銳瞳子白黑分明視瞻不

轉小頭而銳斷敢行也目黑白分見事明也視瞻不轉執志強也可與持久

難與爭鋒廉頗足以當之 東觀漢記曰彭寵與吳漢圍隗囂於西城

勅彭書曰西城若下便可將兵南擊蜀虜人若不知足既平寵重望蜀

每一發兵頭髮為白 魏志曰辰韓國兒生以石押其頭欲其扁扁今辰

韓人皆扁頭 搜神記曰南方有落民吳時將軍朱桓一婢每夜臥後頭

輒飛去或從狗竇買或從天窗中出入以耳為翼將曉復還數數如此傍

人恠之夜照視唯有身無頭其體微冷乃蒙之以被至曉頭還礙被不

得安再三墮地而其體氣急疾若此死者乃去被頭復起附得安復瞑

如常人 神仙傳曰曹公捕左慈數日得之便斷頭以白曹公公大喜曰果

慈頭定視是一束茅爾 洞林曰郭璞為左尉周恭卜去君且墮馬傷

頭尉後乘馬行黃昏坂下憤車觸馬馬驚頭打石上流血殆死

秦記曰符堅祖洪見堅狀良欲令頭入堅腹較字之曰堅頭 幽明錄曰河

東賈弼之義熙中為瑯琊府參軍夜夢有一人面查醜 甚多髮眉大

鼻 目請之曰愛君之良欲易頭可乎乃於夢中許易明朝起自不覺而

人悉驚馬走藏去邠漢何處來弼取鏡自看方知恠異因還家家人悉驚

入內婦女走藏云邠得男子弼坐自 陳說後能半面笑兩足手口各捉一筆俱

入內婦女走藏云邠得男子弼坐自 陳說後能半面笑兩足手口各捉一筆俱

書辭意皆美此為異也餘並如先文晉張敏頭責子羽文曰太原温

長仁潁川荀景伯范陽張茂先上郡劉文生南陽鄒潤甫河南鄭冽余友
有秦生者雖有姊夫之尊少而狎之同時昵好張荀之徒繼踵登朝而此
賢身處陋巷屢沽而無善價為之慨然又惟諸賢身已既在位曾無
伐木嚶鳴之聲又違王貢彈心之義故因秦生容貌之盛為頭責之
文以戲之并嘲六子頭責子羽曰吾託為子頭乃有餘日矣大塊稟我以
精造我以形我為子蔣髮膚豈自臯耳安眉鬚捶牙齒眸子摘光雙
權隆起每至出入人間遨遊市里行者僻易坐者竦蹠如此者故我死之
足偉也子冠冕弗戴金銀弗佩旨味弗嘗食粟茹菜子遇我如讎我
視子如仇居常不樂兩者俱亘又何其鄙哉子欲為仁賢耶當如臯陶
后稷巫咸伊陟保乂王家永見封殖子欲為名高耶則當如許由子感卜
隨務光洗耳逃祿千載流芳子欲為遊說耶則當如陳軫蒯通陸生
鄧公轉禍為福含辭從容子欲為恬淡耶則當如老聃之守一莊周之自
逸廓然離俗志凌雲日子欲為隱遯耶則當如榮期之帶索漁父之儂
灑棲遲神丘垂餌巨壑今子上不希道德中不効儒墨塊然窮賤守
此愚惑察子之情觀子之志退一不能為處士進無望乎三事而徒玩日勞
形習為常人之所喜對曰吾以天幸為子所寄今子欲使吾為忠耶則
當如子胥屈平欲使吾為信耶則當殺身而成名欲使吾為介節耶赴
水火以全貞此四者子之所忌故吾不敢造意頭曰吾欲告公以養性誨余
以優遊而與蟣蝨同性不聽我謀悲哉俱御人體而獨為子頭且擬人
其倫諭子儕偶子曾不如太原田顯潁川荀禹范陽張華上郡劉許南
陽鄒湛河南鄭誦此數子或塞言此無宮或冠陋希言語或淹伊多姿態
或驪駃上馳下奚少智請或口如含煦飴或頭如巾壅杵而猶以文采可觀意
思詳序攀龍附鳳並登天府若夫子徒令唇口腐爛手足霑濡哉若
有事之世而耻為權謀壁言猶斲金地抱甕難以求富嗟乎子羽何異牢
檻之熊深窞之虎石間餓蟹甌中之鼠事力雖多而見功甚少宜其蹙
跼煎蹙至老無所希也

易說卦曰離為目 山海經曰一臂國為人一目中其面而居 毛詩曰美目

盼兮 左傳曰宋華父督見孔父之妻目逆而送之 又曰睥其目瞡其

腹事具誣春秋孔演圖曰蒼頡四目是謂並明 又舜重瞳子是謂重明

孫卿子曰堯舜三眸子 孝經援神契曰伏犧大目 老子曰五色令人目盲

胡非子曰目見百步之外而不能見其背 莊子曰温伯雪適齊舍於魯仲

尼見之而不言子路問焉仲尼曰若夫人者目擊而道存矣 又曰孔子見老

聃而語仁義老聃曰夫播糠眯目則天地四方易位矣夫仁義翻然乃憤

吾心亂莫大焉 孟子曰伯夷目不視惡色 慎子曰離朱之明察毫末

於百步之外下水尺不能見淺深非目不明其勢難覩也 尸子曰使目在足

下則不可以視 楚辭曰娛光眇視目增波 又曰蛾眉曼睩目騰光 又曰帝

子降兮北渚目眇眇兮愁予 又曰滿堂兮美人忽獨與余兮目成 孫卿子

曰厭目而視者視以為兩也 韓子曰田駟欺郗君郗君將殺之田駟恐告

惠子惠子見郗君曰有人見君則睽其目奚如君曰我必殺之惠子曰瞽瞍

兩目君奚弗殺駟東欺齊侯南欺荆王駟之於欺人瞽也君奚怨乃弗殺

淮南子曰夫目察秋毫之末而耳不聞雷霆之音耳調玉石之聲曾

不見太山之高何則小有所志而大有所忘也 孔叢子曰夫子適周見萇

弘言終退萇弘語劉文公曰吾觀仲尼有聖人之表其狀河目而隆額

是黃帝之形也 史記曰吳王賜子胥屬鏤之劍以死子胥仰天歎曰

抉吾眼着吳東門上以觀越寇之入滅吳也乃自剄 漢書曰東方朔上

書臣朔目若懸珠齒如編貝 東觀漢記曰馬援眉目如畫 鄭玄別

傳曰玄秀眉明目 竹林七賢論曰王戎眸子洞徹視日而眼明不虧

瀨鄉記曰老子大目 **詩** 梁劉孝綽詠眼詩曰含嬌睇已合離怨動

還開欲知密中意浮光逐笑迴 **箴** 宋謝惠連目箴曰氣之清明雙

眸善識唯道是視瞻彼正直 **銘** 齊竟陵王蕭子良眼銘曰惟正是視

玄黃匪惑非禮不觀儀形是則慎爾所覲無愆斯德

樊氏相法曰耳門不容麥百歲 相書曰耳門小富而怯 淮南子曰禹耳

三漏是謂大通興利除害決江疏河 老子曰五音令人耳聾 子孟子曰伯夷

耳

耳不聽惡聲史記曰韓信使人言於漢王齊反覆之國不為假王鎮
之其勢不定漢王大怒張良陳平躡漢王之足附耳語曰漢方不利寧
能禁信王乎因立之 范曄後漢書曰珠崖僖耳其渠師耳垂肩三寸
列仙傳曰務光夏時人耳長七寸陽都女耳細而長衆皆言此天人也 列士傳
曰燕丹使田光往候荆軻值其醉唾其耳中軻覺曰此出口入耳之言必大事
也則往見光 蜀志曰先主長七尺五寸垂臂下脰顧自見其耳 英雄記曰
曹公擒呂布布顧劉備曰玄德卿為上坐客我為降虜繩縛我急獨
不可一言耶操曰縛虎不得不急曹公欲緩之備曰不可公不見布事丁建
陽董太師乎操憾之布曰備曰大耳兒最叵信 魏書荀攸年七八歲父
衢曾醉誤傷攸耳而攸出入遊戲常避護不欲令衢見也衢後聞之
驚焉其夙智如此 抱朴子曰老君耳長七寸 瀨鄉記曰老子耳有三門
楚辭曰曾頰倚耳曲眉規 樊氏相法曰人耳困長寸三分壽百二十歲
一寸壽百歲如豆生即死耳門前有仙人杖四理百歲三理八十二理六十 晉
祖台之荀子耳賦曰夫惡勞而希逸寔萬物之至誠何斯耳之不振詎

口

荀子而宅形在瘠土而長勤無須臾之閑寧預清談而閉塞開鄙穢
而聰明竭微聽於門閣採羣下之風聲 銘 齊竟陵王蕭子良耳銘曰
惟耳是聽仁愛是聞詳察巧言離辯異羣無迷邪詔炫惑莫分
易說卦曰兌為口 禮記曰數誚無為口容 又曰口容止 又曰負劍辟咄語
之則掩口而對 又曰趙文子其言呐呐然如不出諸其口 孝經曰無擇
言 孝經援神契曰舜大口 又曰孔子海口含海 老子曰五味令人口爽
莊子曰公孫龍問於魏牟曰吾聞莊子之言芒焉異之牟曰子獨不聞坎
井之鼃謂東海之鼃曰坎井之樂亦至矣子奚不來入觀乎鼃左
足未入而右脰已執系矣公孫龍口舌而不合舌舉而不下 史記曰秦始皇
遊於會稽渡浙江項梁與籍俱觀籍曰彼可取而代也梁掩其口曰無
妄言誅族矣 又曰鄧公見景帝曰吳王為反數十年矣發怒削地以誅
錯為名其意非在錯也且臣恐天下之士嚙舌不敢復言 鬼谷子曰口者機
關也所以開閉情意也 又曰口可以食不可以言 說苑曰常操有疾老子

曰先生疾甚無遺教語弟子乎常縱乃張其口示老子曰舌存乎曰存豈非以軟耶齒亡乎曰亡豈非以剛耶常縱一天下事盡矣又曰惡言不
過口苛言不留耳口者關也舌者機也出言不審駟馬不能追也漢書
曰漢王擊魏豹問酈食其曰魏不將誰也曰栢直漢王曰是口尚乳臭
又曰周昌曰臣口不能言心知其不可又曰揚雄口吃不能戲談應劭
漢官曰侍中刁存年老口臭帝賜雞舌香令含之杜恕體論曰束脩
之業其在上於不言之其次莫如口身知也故語曰使口如鼻至老不失養
生經曰軍營之中有甘泉軍營甘泉也養生要尹氏內解曰口為華池
相書曰欲知人多口舌當視其口如鳥喙言一而皆聚此多舌人也相書雜
要曰口大容手亦如朱丹貴且壽瀨鄉記曰老子方口吳錄曰孫權方頤
大口自有精光箴宋謝惠連口箴曰宣納之由寔伊樞機唯舌是出馳
駟安追差髮尾千里君子慎微何用口爽信仁甘肥諺晉傅玄口誡曰
勿謂何有積怨致咎勿曰不傳伏流成川蟻孔潰河流穴傾山銘齊竟
陵王蕭子良口銘曰惟口是慎慎乎語笑三緘是戒事重周廟戒之戒之

無貽厥誚

舌

山海經曰反舌國其人反舌呂氏春秋曰善惡為君者蠻夷反舌殊俗異習
皆服德厚也莊子曰公孫龍口吐而不合舌舉而不下燕丹子曰荆軻之
燕太子曰田先生今無恙乎軻曰光臨送軻之時言太子戒以國事耻以丈夫
而不見信向軻吞舌而死矣史記曰平原君已定從而歸至於趙曰毛先
生以三寸之舌強於百萬之師又曰留侯曰家世相韓韓滅不受萬金之資
為韓報讎強秦天下振動今以三寸舌為帝者之師封万户位列侯此布
衣之極於良足矣又曰張儀嘗從楚相欒已而楚相亡璧門下意儀盜
璧共執儀掠笞數百不服釋之其妻曰子無讀書游說安得此辱乎
儀張口曰視吾舌尚在否妻曰在也儀曰足矣說苑曰韓平子問叔向曰
剛與軟孰堅對曰臣年八十矣齒再墮而舌尚在神異經曰東荒山中有
大石室東王公居之長一丈頭髮皓白鳥面人形而虎尾恒與一玉女更投壘
漢書蒯通謂韓信曰酈生一士伏軾掉三寸舌下齊七十城英雄記曰

曹操與劉備密言備泄之於素紹紹知操有旨已之意操自咋其舌流血以失言戒後世 搜神記曰永嘉中有天竺胡人能斷舌先吐舌示賓客然後刀截血流覆地乃取置器中傳示人取舌還含有頃如故 郭子曰郭仲堪去三日不讀道德經覺舌本間強 沈約宋書曰南郭王義宣生而舌短澁言 相書曰舌如絳赤者賢人也 相書雜要曰吐舌及鼻三公 **賦** 梁簡文帝舌賦曰竇公茲先生問於何斯逸士曰夫三端所貴三寸著名故微言傳乎往記妙說表乎丹青曾談笑而軍却主言詠而瑞隆陸有千金之富周為一說之功位復有構扇之端讒諛之迹艷紫凌朱飛黃妬白吾將欲廢便辟之交遠巧佞之友殄張儀之餘殲蘇秦之後粉虞卿之白璧碎 漢王之玉斗然後浮偽可息淳風不朽

論 晉張韓不用舌論曰論者以為心氣和駘因舌而言卷舌翕氣安得暢理余以留意於言不如留意於不言徒知無舌之通心未盡有舌之必通心也仲尼去天何言哉四時行焉夫子之文章可得而聞也夫子之性與天道不可得而聞是謂至精愈不可聞樞機之發主乎榮辱禍言相尋召福甚希喪元滅族沒有餘哀三緘告慎銘在金人留侯不得已而掉三寸亦反初服而効神仙靈龜啓兆於有識前却可通於千年鸚鵡猩鼓弄於籠羅財無一介之存普天地之與人物亦何屑於有言哉

髮

歸藏啓筮曰共工人面蛇身朱髮 左傳曰齊侯田于菅盧蒲癸見泣且請曰余之髮如此種種余奚能為 種種短也 公曰吾告三子子尾欲復之子雅不可曰彼其髮短而心甚長其或宜也我至子雅放盧蒲癸于北燕又曰昔有仍氏女生鬢真黑 美髮為鬢 而其美光可以鑑名曰玄妻樂正后夔取之禮斗威儀曰君乘木而王為人美髮 呂氏春秋曰昔者郭阜五年湯乃以身禱剪髮自以為犧用祈禱於上帝 韓子曰文公之時宰人上炙而髮繞之文公召宰人而誚之宰人曰臣有死罪三援礪砥刀利猶干將切肉斷而髮不絕臣之罪也援錐晉公禱而一見髮臣之罪二也奉炙鑪炭肉盡赤紅炙熟而髮不焦臣之罪三也豈下得微有嫉臣者乎公乃召其下而誚之果然乃誅之 又曰燕李季好遠出其妻有士季至士在內妻

患之妾曰令公子僕而解髮直出門吾屬詳不見也公子從其計疾走出門季曰是何人也家室皆曰無有季曰吾見鬼爲之奈何婦曰取五姓之水浴之季曰諾乃浴 家語曰顏回二十髮白 史記曰蘭相如持壁却立倚柱怒髮上衝冠 漢書曰蘇武留匈奴十九年始以強壯出及還鬚髮盡白 淮南萬畢術曰理髮竈前婦安夫家 又曰用麻子中人桐葉米汁煮之沐二十日髮長 東觀漢記曰明德后美髮爲四起大髻但髮成尚有餘繞髻三五 又曰和喜皇后六歲諸兄持后髮后曰身體髮膚受之父母不敢毀傷孝之始也奈何弄人髮乎 曹瞞傳曰太祖嘗行經麥中令卒士無敗麥犯者死騎士皆下馬持麥以相付時太祖馬騰入麥中太祖曰制法而自犯之何以帥下然孤爲軍帥不可殺請自刑因爰劔割髮以置地 王隱晉書曰陶侃爲吏鄱陽孝廉與親友過侃宿毋截髮以供賓諸客歎曰非此母不生此子也 **詩** **梁**何遜白髮詩曰絲白不難染蓬生本易扶准此星星髮獨與衆中殊 **賦** **晉**左思白髮賦曰星星白髮生於鬢垂雖非青蠅穢我光儀策名觀國以此見疵將拔將鑷好爵是縻白髮將拔怒然自許稟命不幸值君年暮逼迫秋霜生而皓素始覽明鏡惕然見惡朝生晝拔何罪之故予觀橘柚一暘一晬貴其素華匪尚綠葉願戢子之手攝子之鑷咨爾白髮觀世之途靡匪不追榮貴華賤枯赫赫閭闔藹藹紫廬弱冠來仕童髻獻謨甘羅乘軼子奇剖符英英終賈高論雲衢拔白就黑此自在吾白髮臨欲拔瞋目號呼何我之寃何子之誤甘羅自以辯惠見稱不以髮黑而名著賈生自以良才見異不以烏鬚而後舉聞之先民國用老成二老歸周周道肅清四皓佐漢漢德光明何必去我然後要榮咨爾白髮事故有以爾之所言非不有理曩貴者老至今薄舊齒皤皤榮期皓首田里雖有二毛河清難俟隨時之變見歎孔子髮乃辭盡並夏固窮昔臨玉顏今從飛蓬髮膚至昵尚不克終聊用擬辭比之國風

序

晉稽含

白首賦序曰余年二十七始有白髮生於左鬢負斯乃衰悴

之標證棄捐之大漸也蒲衣幼齒作彌夏后漢之賈鄧弱冠從政獨以垂立之年白首無聞壯志劬於蕪塗忠貞抗於棘路觀將衰而有川上

之感觀趣舍而抱慷慨之歎

觸髅

說文曰觸髅頂也 廣雅曰顛顛謂之觸髅 莊子曰莊子使楚見空
 觸髅擊以馬捶而問曰夫子貪生失理而為此立將有凍餒之患而為此
 乎語卒援觸髅枕而卧觸髅見夢曰夫死無君於上無臣於下亦西時之事
 與天地為春秋雖南面帝王樂不能過也 魏略曰王忠先因飢噉人五官
 將與共從駕出行過家間無何令取道邊死 人觸髅繫著忠馬
 鞍上以為戲笑 盛弘之荊州記曰長沙蒲圻縣有呂蒙冢冢中有觸
 髅極大冢形既長偉疑即蒙觸髅也 廣州記曰盧循襲廣州風火
 夜發奔免者數千而已循除諸燒骨數得觸髅三萬餘於江南洲上作
 大坑葬之今名共冢 南州異物志曰烏潯人觸髅破之以飲酒 續搜神
 記曰永嘉五年張榮為高平戍邏主時遭曹嶷賊寇刊 烏塢壘自
 保固見山中火起飛埃絕爛十餘丈樹顛大火燄響動山谷久聞人馬鎗甲
 聲謂疑賊上人皆惶恐並嚴出將欲擊之引騎到山下無有人但見石火
 來曬人袍鎧馬毛鬚皆燒於是軍人走還明日往視山中無燃火處唯見觸
 髅百頃布散在山中 **賦** 後漢張衡觸髅賦曰張平子將遊曰於九野
 觀化於八方顧見觸髅委於路旁平子悵然而問之子將并糧推命以笑
 逝乎本喪此土流遷來乎為是二知為是下愚答曰吾宋人也姓莊名周遊
 心方外不能自修三行以問之對曰我欲告之於五嶽禱之於神祇起子素
 骨反子曰一擊觸髅曰死為休息生為役勞冬之冰凝何如春冰之消况我已
 化與道道近與陰陽同其流元氣合其朴雲漢為川池星宿為珠玉雷
 電為鼓扇日月為燈燭合體自然無情無欲不行而至不疾而速 **晉**

呂安觸髅賦曰躊躇增愁言遊舊鄉惟遇觸髅在彼路傍余乃俯仰
 咤歎告于吳蒼蒼此獨何人命不永長身銷原野骨曝大荒余將殯子時服
 與子嚴裝殮以棺槨遷彼幽堂於是觸髅春蠶如精靈感應若在若無
 斐然見形温色素膚昔以無良行違皇輿來遊此土天奪我年令我全骨
 消滅白骨連翩四支摧藏於草莽孤魂悲悼乎黃泉余迺感其苦酸晒其
 所說念爾荼毒形神斷絕今宅子后土以為永列相與異路於是便別 **說**

魏陳王曹植 屍骸說曰曹子遊乎陂塘之濱步乎蒹葭之藪蕭條潛
虛經幽踐阻顧見髑髏塊然獨居於是伏軾而問之曰子將結纓首劍殉
國君乎將被堅執銳斃三雷乎將嬰茲固疾命殞傾乎將壽終數極
歸幽冥乎叩遺骸而歎息哀白骨之無靈慕嚴周之適楚儻託夢以
通情於是伊若有來恍若有存影見容隱厲響而言曰子何國之君子
乎既枉輿駕愍其枯朽不惜咳唾之音慰以苦言子則辯於辭矣然
未達幽冥之情識死生之說也夫死之為言歸也歸也者歸於道也道
也者身以無形為主故能與化推移陰陽不能更四節不能虧是故洞於
纖微之域通於恍惚之庭望之不見其象聽之不聞其聲挹之不沖滿
之不及盈吹之不凋噓之不榮激之不流疑之不停寥落冥漠與道相拘
偃然長寢樂莫是踰曹子曰子將請之上帝求諸神靈使司命輟籍
反子骸形於是髑髏長呻廓首曰甚矣何子之難語也昔文素氏不仁
無故勞我以形苦我以生今也幸變而之死是反吾真也何子之好勞而我
之好逸子則行矣余將歸於太虛於是言卒響絕神光霧除顧將旋軼
乃命僕夫拂以玄塵覆以縞巾爰將藏彼路濱壅以丹土翳以綠榛夫存
亡之異勢乃宜居之所陳何神憑之虛對云死生之必均

膽

黃帝素問曰膽者中正之官斷決出焉 吳越春秋曰越王欲報怨懸膽
於戶出入嘗之 事具水部水篇 魏志曰樂進字文謙容貌短小以膽烈從太祖 又曰
素紹在黎陽將南度程昱守甄城太祖欲益其兵昱不肯曰素紹擁十方
衆見昱兵少必輕易不攻若益昱兵過則不可攻之必克徒兩損其勢願公
無疑太祖從之紹聞昱兵少果不往太祖曰程昱之膽過於賁育 吳志曰
蒙病篤孫權問曰卿如不起誰可代者對曰朱然膽守有餘愚以為可
任 管輅別傳曰輅年十五瑯琊太守單子春雅有才度欲見輅輅造
之客百餘人有能言之士輅謂子春曰府君名士加有雄貴之資輅既年
少膽未堅剛若欲相觀懼失精神請先飲酒三斗然後而言子春大喜酌
三斗獨使飲之於是輅人人各對言皆有餘 劉琨書曰膽識堅定臨難
無苟免之意 世說曰姜維死時見剖膽大如斗 **論** **魏嵇康明膽論**

曰有君子春者精義味道研覈是非以爲人有膽可無明有明便有膽矣嵇先生以爲明膽殊用不能相生論曰夫元氣陶鑠衆生稟焉賦受有多少故才性有昏明唯至人特鍾純美兼內外無不畢備降此已往蓋闕如也或明於見物或勇於決斷人情貪廉各有所止譬諸草木區以別矣兼之者博於物偏受者守其分故吾謂明膽異氣不能相生明以見事膽以決斷專明無膽雖見不斷專膽無明則違理失機

藝文類聚卷第十七

